

ჩვენნი გაზეთი 100 წლისაა!

„ჩინგუძი საცაბთუელდა, სიბუბი ჩუენ ვაბთ ცუელაძ“




კოლხეთი

გამოდის 1923 წლის 1 მაისიდან

სენაის მუნიციპალიტეტის თავისუფალი გაზეთი

2023 წელი • №9-10 (9551-9552) • 1-31 მაისი • ფასი 1 ლარი და 40 თეთრი



კოლხური შეძახილით ამხნევებს ქვეყანას

გაზეთი მხარის, ქალაქის, რაიონის, დაბის მემბრანა-ნეა, იქაური ცხოვრების მაჯაზე მოყურადეა. ავისთვის ავის, კარგისთვის კარგის დამრქმევი. გაზეთს ბევრი რამ ძალუძდა, ახლაც ძალუძს და მომავალშიც ექნება ძალა, უკეთესობისაკენ მიუთითოს საზოგადოებას, თვითონვე იქცეს მოთავედ, წინმავლად. გაზეთი „კოლხეთი“ სიმართლის მსახურია. არ არსებობს საქვეყნო თუ სხვა მას-შტაბის სატყვიარი, იგი რომ არ ესმინებოდეს, სენაკელთა თვალსაზრისს არ უმწვლდეს ქართველობას, კოლხური შეძახილით არ ამხნევებდეს ქვეყანას.

„კოლხეთს“ კაი ხანია ვკითხულობ, ვაკვირდები, ვფიქრობ, მომწონს... მომწონს რედაქციის დამოკიდებულება საქვეყნო საქმეებისადმი, თანამშრომელთა პროფესიონალიზმი, თავდადება და გულსწმიდე.

„კოლხეთი“ იუბილარია, დიდი ასაკის გაზეთია, კიდევ დიდხანს და დიდხანს გელვადოთ სენაკისა და ქვეყნის სამსახურში.

გილოცავთ!

ქალაქთაშვილი

მწერალი, შპს „ნომლი ენ“-ის დირექტორი

საზოგადოებრივი მოვლენების სარკე

1 მაისი სენაკისთვის მნიშვნელოვანი თარიღია - გაზეთ „კოლხეთს“; ბეჭდური სიტყვის ეპოქალურ ორგანოს, დაარსებიდან 100 წელი შეუსრულდა.

1923 წლის 1 მაისიდან დღემდე, „კოლხეთმა“ დროის ქარტეხილები ისე გადალახა, რომ საკუთარი ნიშა არ დაუკარგავს და დღესაც ღირსეულად დგას ქვეყნისა და მშობლიური კუთხის სამსახურში.

გაზეთი „კოლხეთი“ საუკუნის მანძილზე, პირუთვნელად ასახავდა კულტურული ტრადიციებით მდიდარი კუთხის მაჯისცემას. იგი უცვლელად იყო სენაკის მემბრანა, მნიშვნელოვანი საზოგადოებრივი მოვლენების სარკე.


ამ საქმეს არაერთი დამსახურებული ჟურნალისტი და გამორჩეული პიროვნება ემსახურებოდა.

„კოლხეთის“ რედაქციასთან მრავალი სახელოვანი მეცნიერი, საზოგადო მოღვაწე და ხელოვნების წარმომადგენელი თანამშრომლობდა. მის წიაღში აიღდა ფეხი სენაკის ბევრმა ღირსეულმა შეილმა.

საიუბილეო თარიღს ვულოცავ ყველა თაობის კოლხეთელს და პროფესიულ საქმიანობაში წინსვლასა და წარმატებებს ვუსურვებ.

განტანგ გადგლია,

სენაკის მუნიციპალიტეტის მერი



„კოლხეთი“ თითოეული სენაკელის ისტორიაა

გაზეთ „კოლხეთს“ და მის შემოქმედებით გუნდს ვულოცავ 100 წლის იუბილეს.

„კოლხეთი“ თითოეული სენაკელის ისტორიაა, რომლის ფურცლებშიც ჩვენი ცხოვრება - სინარული და სატყვიარი, მუნიციპალიტეტისათვის მნიშვნელოვანი თემები იკითხება. ის მუდმივად იყო ჩვენი მოსახლეობისათვის ინფორმაციის წყარო.

სხვადასხვა წლებში, გუნდის თავდაუზოგავი შრომითა და უდიდესი ძალისხმევით, გაზეთი ჩამოყალიბდა ჩვენი ქალაქის ისტორიის მემბრანად. გაზეთის დიდი და საინტერესო არქივი ინახავს უმდიდრეს საინფორმაციო და ფოტო მასალას.

კიდევ ერთხელ გილოცავთ საუკუნოვანი იუბილეს, გისურვებთ პროფესიულ წინსვლას და განვითარებას, საინტერესო სიახლეებს, თქვენი ერთგული მკითხველის სიმრავლეს, იმ ნდობისა და სიყვარულის შენარჩუნებას, რაც წლების განმავლობაში მოიპოვეთ.

მჯერა, რომ ერთგული მკითხველი არასდროს მოგაკლდებათ.

პატივისცემით საბა ოდიშარია, სენაკის მუნიციპალიტეტის საკრებულოს თავმჯდომარე



სახელოვანი გზა განვლეთ


მოგესალმებით გაზეთ „კოლხეთის“ შემოქმედებით კოლექტივს, გილოცავთ გაზეთის პირველი ნომრის გამოსვლიდან 100 წლისთავს. დღიდან გამოსვლისა გაზეთმა სახელოვანი გზა განვლო, რომელიც აღსავსე იყო მნიშვნელოვანი მოვლენებით.

ის იყო მუდამ ხალხის ერთგული მეგობარი, მართალი

სიტყვით ერისა და ქვეყნის სამსახურში მდგარი. მემბრანე გაზეთმა სამართლიანად დაიმკვიდრა გამორჩეული ადგილი მრავალრიცხოვან პერიოდულ გამოცემათა შორის.

მეგობრებო, ღრმა პატივისცემით მოგესალმებით და გილოცავთ ამ ღირსშესანიშნავ დღეს, გისურვებთ შემოქმედებით წარმატებებს.

ბონდო ჯიქია



უახლესი ისტორიის მემბრანე

2023 წელს სენაკის საუკუნოვანი მემბრანის - გაზეთ „კოლხეთის“ იუბილეა.

გაზეთის რედაქციის ყველა თანამშრომელს გილოცავთ ამ საპატიო თარიღს!

გისურვებთ პროფესიულ საქმიანობაში წინსვლასა და წარმატებებს!


წლები მქონდა ახლო კონტაქტი და საქმიანი ურთიერთობა გაზეთ „კოლხეთთან“ და მის შემოქმედებით კოლექტივთან.

100 წელი მთელი ცხოვრებაა. იშვიათი და დასაფასებელია თქვენი გაზეთის ესოდენ ხანგრძლივი სიცოცხლისუნარიანობა.

„კოლხეთი“ დღესაც გამოიცემა და უახლესი ისტორიის შესანიშნავი მემბრანეა.

გილოცავთ 100 წლის იუბილეს და გისურვებთ ერთგულ მკითხველს!

გიორგი ნოდია, შპს „ირიდას“ დირექტორი



შენიდან ჩემამდე 100 წელია



გაზეთის 50 წლის იუბილე

„კოლხეთი“, ვამაყობ მხარის ჟურნალისტიკის სათავეებთან რომ მოიპოვე. ამ არეალში შენ ხომ ბეჭდური მედიის პირველი მერცხალი ხარ. მოგვიყვი, როგორ დაიწყო ეს ყველაფერი?

ესაა ბოლშევიზმის ეპოქა, რევოლუცია უკვე მომხდარია, შექმნილია ე.წ. სსრკ.ს ერთობა და როგორც მაშინ ამბობდნენ, ქვეყანა სახელმწიფოს მშენებლობის ახალ ეტაპზე გადავიდა. აღნიშნულ მშენებლობაში ერთ-ერთ იარაღად მედია იქნა მიჩნეული, ამიტომაც პარტიული ნომენკლატურა მთლიანად ჩაება პრესის მუშაობაში. ჰოდა ასე, სსრკ-ს ერთ პატარა რესპუბლიკის პანანუნა სენაკის მაზრაში, უასმინის თვეში, 1923 წ. 1 მაისს დავიბადე, სახელად „კომუნა“ დამერქვა. რაც უფრო ვიზრდებოდი, სიმწიფის ასაკში შევდიოდი, სახელწოდებებიც შესატყვისად მეცვლებოდა. ასე გავხდი ჯერ „მთლიანი კოლექტივიზაცია“, მერე „ავანგარდი“, შემდეგ „კოლხეთის ცისკარი“ და ბოლოს „კოლხეთი“. ასე ვიშვი ხანგრძლივი საგამომცემლო ისტორიის, ტრადიციების მქონე მაზრის ადმინისტრაციულ ცენტრში. აქ სტამბა ჯერ კიდევ 1890 წლიდან არსებობდა და იბეჭდებოდა უნიკალური წიგნები.

გამოდის რომ თქვენ პარტიული გაზეთი ხართ და მეტი არაფერი?

თანამედროვენი სულსწრაფები ხართ, უფროსების პატივსცემა დაივიწყეთ, არ ვიცი, მათი გულისტკენა თქვენთვის რატომაც ტრენდული? თქვენ ხომ წარმოდგენა არა გაქვთ, რა ნარეკლიანი – გზით ვიარე. მაგალითისთვის დიდ სამამულო ომის პერიოდს გავიხსენებ, როცა ყველა სრულწლოვანი და შრომისუნარიანი ფრონტზე იყო განწვეული, მათ შორის ჩვენი რედაქციიდანაც, ოჯახებიდან 2-3-4 და მეტნიც ომში იყვნენ, აქაურობა კი არასრულწლოვნებისა და მოხუცების ამარა იყო დარჩენილი, როცა სამყოფი არაფერი იყო, გასაკეთებელ-საშრომი კი უამრავი, სამკუთხა ბარათებით „მოტანილი“ ტკივილი კი აურწყავი, მაშინ მე ჩემი ვალის შესრულებით ვცდილობდი საზოგადოების სულისა და გულის გათბობას, გამხნეებას, სასიკეთო საქმეებში მათი ჩართვის სურვილის გაჩენას. ვწერდი მათ საჭიროებებზე, ომში მოპოვებულ გამარჯვებებზე, გამორულად დაღუპულებზე, ახალგაზრდებს ვახალისებდი პატრიოტული

სულისკვეთებით. ყველანი ომში გამარჯვების სულისკვეთებით ვცხოვრობდით და ჩვენი სიმდიდრე ერთმანეთისთვის გაცემული სიტობა და სამშობლოს სიყვარული იყო.

მაპატიეთ, თუ განყენივით, მაგრამ თქვენ დროს არ იყო რეპრესიები, თუნდაც 1937 წლის მოვლენები?

ისევ შხამი და ბოლმა, თქვენ რა ადამიანები ხართ, როგორ წარმოგიდგენიათ, რეპრესიებს მე ვეგემავდი და მომყავდა სისრულეში თუ? რატომ უნდა იყო, უამრავია ასეთი შავი ლაქა ისტორიაში, მაგრამ – მე უბრალოდ იმ პერიოდში დავიბადე, იმ დროის შესატყვისი მოცემულობით ვწერდი, რა? თქვენც ასე არა ხართ?

თქვენ არასწორად გამიგეთ, მე გითხარით, რომ თქვენ პარტიული იდეოლოგიის გაზეთი იყავით.

მოსმენილის გაგება უნდა შეგეძლოთ, შიმველი ემოციები ცუდი მეგობარია. მაშინ ერთპარტიული სისტემა იყო, სხვანაირად როგორ წარმოგიდგენიათ? მიუხედავად პარტიული ზედამხედველობისა, საინტერესო, ნაყოფიერი, მნიშვნელოვანი მიღწევებით სავსე ცხოვრებით ვიცხოვრე. თქვენ არ გაინტერესებთ ამ 100 წლის მანძილზე რა გზა გამოვიარე, რას ვწერდი, ვის რა საგზალი გამოვავალე, რა იყო ჩემი საქმიანობის დედა-აზრი?

რა იყო?

დღიდან არსებობისა ვწერდი დროის მავსიცემით დალდასმულ სტატიებს. იმ დროისთვის აქტუალურ საკითხებზე, ეს იქნებოდა წერაკითხვის უცოდინართათვის შესაბამისი წრეებისა და ქობ-სამკითხველოების გახსნის, მიწების გლეხების საკუთრებაში გადაცემის, არჩევნების, მეურნეობათა შექმნის, რამის მოყვანისა და მისი გადამამუშავებელი არტელის, ჩაის, ციტრუსოვნების, ეთერზეთოვანი კულტურების განაშენიანების შესახებ, ჯანმრთელობის, კულტურის, განათლების... ახალახალ კერების გაჩენაზე, როგორიცაა კურორტი მენჯი, ხალიჩების კომბინატი, ჩაის ფაბრიკები, სამშენებლო სანარმოები, სახალხო მეურნეობის დარგები და ასე შემდეგ.

ჩემს გარეშე რაიონის არცერთ წარმატებასა და მიღწევას არ ჩაუვლია, მე ვაანონსებდი შრომით ვახტზე გამარჯვებების სერიებს, სადაც მოცემული იყო თქვენი ბებია-ბაბუების, დედების, მამების თაობის შრომითი მამაცობები, ვიყავი საყოველთაო განათლების პროპაგანდისტი, ახალგაზრდების დამკვალიანებელი, მეცნიერებაში მიღწევების პოპულარიზატორი... „რუბრიკით სპეციალისტის რჩევები“ მოსახლეობისთვის ყოველდღიურად საჭირო თემებს ვაშუქებდი, ისტორიასაც პატივს მივავებდი, ნაკლოვანებებსაც, დანაშაულთან ბრძოლის საკითხებსაც ვუთმობდი გვერდს. ყრილობის, მთავრობის დადგენილებებსა და ბრძანებებს, პარტიულ კრებებსა და სწავლებებს, კომკავშირულ მიღწევებს... თავისთავად გამორჩეული ადგილი ეთმობოდა. სამამულო ომზე უკვე მოგახსენეთ, მის შემდეგ მშვიდობიან პერიოდში აღმშენებლობის ყოველდღიურ რეჟიმის ამსახველ ხუთწლიან პერიოდში, შრომის დამკრეველების, სოციალისტურ შეჯიბრებებში გამარჯვებების, სოციალისტური გმირების... გარდამავალი დროებით, მედლებით, ორდენებით დაჯილდოებებს ვმასპინძლობდი.

ასევე ავსახავდი 90-იანი წლებისა და მის შემდგომ რეალობას, ვწერდი ძმათა შორის დაპირისპირებებზე, სამოქალაქო ომის სავალალო შედეგებზე. ერთ ფაქტს გავიხსენებ. ეს იყო მაშინ, როცა სამთავრობო ძალებისა და პირველი პრეზიდენტის მომხრე შენაერთების გასვლა-შემოსვლა, დაპირისპირების ეპიცენტრი გავხდით. მაშინ, მეტად დაძაბულ ჟამს, „მომეცით ნება, მჯეროდეს თქვენი“ - ამ სათაურით დავბეჭდე მონიშნავე. წერილი რეზონანსული გახდა, ყველა მხარისა და დაპირისპირებულ ძალთა ინტერესი გამოიწვია, შედეგად საპასუხო წერილიც მივიღეთ, სათაურით: „დამირთავს ნება, გჯეროდეთ ჩემი“

განუკითხაობის ხანამ მეც დამაზარალა, ჩემი სამუშაო სივრცე, მატერიალურ-ტექნიკური ბაზა, საუკუნოვანი სტამბა ხანძარმა შთანთქა, ერთ ნაშთი ააღდა მისხალ-მისხალ დაგროვილი და აკინძული განვლილი გზის „საგანძური“.

მინდა თქვენს ნათქვამს დაეუბრუნდე, ჩემს ფუნქციაზე, რომ ბრძანეთ –მართალია კ.პ. სა-მაზრო კომიტეტისა და აღმასკომის ორგანო ვიყავი, მაგრამ მიუხედავად ამისა ჩემი უპირველესი ტვირთი იყო საგანმანათლებლო ფუნქცია. აი რას ვწერდი დაბადებიდან პირველ ნომრებში. „უნდა გადმოვისროლოთ ლოზუნგი: „გაზეთი – სოფლისკენი“. და ეს ლოზუნგი რელიურ სინამდვილეში უნდა განვასორციელოთ. – მუშათა გაზეთმა უნდა მიაღწიოს უკანასკნელ მიზნებზე სოფლის გლეხის ქობამდე. – ყოველ 10 გლეხზე უნდა მოდიოდეს თითო ცალი გაზეთი მაინც. – გაზეთის საშუალებით სოფლის გლეხი დაამარცხებს თავის მტერს – სიბნელეს, უვიცობას“ („კომუნა“ №2).

ასე რომ ჩემი მუშაობის არსი იყო, არის და იქნება ხალხის კეთილდღეობა.

უკვე მცხოვანი ბრძანდებით. ძალა შეგწევთ გააგრძელოთ გზა?

ჩემო მეგობარო, შენიდან ჩემამდე 100 წელია, დროის ამ მონაკვეთზე ალბათ ტომები დაინერება, რადგან იგი მოიცავს სულით და გულით სპეტაკი, თავიანთი საქმის პროფესიონალ, გულმხურვალე ადამიანების შემოქმედებით და რეალურ ყოფასთან ნილნაყარ სარედაქციო საქმიანობას. თავიდან ხომ ტექნიკა დღევანდელივით განვითარებული არ იყო, ანბან-ანბან ხელით იწყობოდა ტექსტები, რომელიც დიდ ნებისყოფას, ნვალებას, დროს და შრომას საჭიროებდა. ვინ იცის რამდენს დასთენებია სტამბის საამწყობო სამქროში, კორექტირების პროცესში, ნომრების მომზადებასა თუ დაგვემეამი.

მინდა ამ წლების მანძილზე რედაქციის თითოეული მუშაკი გავიხსენო და მათ სულებს მოვეფერო, მადლობა ვუთხრა განწეული საქმიანობისთვის. სხვა მრავალთან ერთად დღეს მე და შენ ერთმანეთს რომ ვესიტყვებით, მათი დამსახურებაა.

ასე რომ, წლების მანძილზე დაგროვილ ცოდნა-გამოცდილება, თქვენი საქმეზე კონცენტრირება, თანამდგომთა კეთილგანწყობა, მაძლევს ძალას კვლავაც ვიყო პროფესიისა და ჩემი საყვარელი მკითხველის ერთგული.

ნიკო სართიანი

ღირსეულად აგრძელებს ტრადიციებს

დიდი სიყვარულითა და პატივისცემით ვულოცავ გაზეთ „კოლხეთს“, რედაქციის თითოეულ თანამშრომელს, ბეჭდვითი სიტყვის ეპოქალური ორგანოს 100 წლის იუბილეს.

საუკუნის ისტორიის მქონე გამოცემა ასახავდა დროის მავსიცემას, ეპოქალურ სულს, რომელსაც თაობები ქმნიდნენ. დაარსებიდან დღემდე, „კოლხეთი“ უცვლელად იყო სენაკის მემბრტიანე, აქტუალური მოვლენების სარკე... მისი რედაქციის კედლებში არაერთი დამსახურებული და თვალსაჩინო ჟურნალისტი იღვწოდა. „კოლხეთი“ დღესაც იმსახურებს მკითხველის სიყვარულს და ღირსეულად აგრძელებს ტრადიციებს. კიდევ ერთხელ გილოცავთ საუკუნოვან იუბილეს.

თითოეულ თქვენგანს მადლობას გიხდით განწეული შრომისთვის. პროფესიულ წარმატებებსა და მკითხველთა სიმრავლეს გისურვებთ.

პატივისცემით, ლევან კუპრაიშვილი

სანდო და დაბალანსებული გაზეთი

ვულოცავ გაზეთ «კოლხეთს» 100 წლის იუბილეს! ვფიქრობ, გუნდის წევრების თავდაუზოგავი შრომის საფუძველზე ნებისმიერი მკითხველისთვის იგი წლების განმავლობაში წარმოადგენდა სანდო და დაბალანსებული ინფორმაციის წყაროს. გისურვებთ მუდამ გეხელმძღვანელოთ ობიექტურობითა და მიუკერძოებლობით და არასოდეს მოგკლებოდეთ ერთგული მკითხველი!

მარიამ მაღანი, საფრანგეთის ქალაქ მონპელიეს უნივერსიტეტის მაგისტრატურის სტუდენტი

ჩვენი გაზეთის ყოფილი რედაქტორები




ანან მშახელა



აკაკი ჯილასონია



ჰავენციმონ გიგობიძე



ნონა გვასალია



ილია ნიშვაია

დღესაც აქტუალური და მოწინავე

გაზეთმა, რომელიც დაარსების დღიდან ყველა ეტაპზე იყო აქტუალური, უდიდესი წვლილი შეიტანა მუნიციპალიტეტის განვითარებისა და კეთილდღეობის მიზნით საზოგადოების ინფორმირებაში, რითაც მკითხველის უდიდესი სიყვარული დაიმსახურა. გუნდის თავდაუზოგავი შრომითა და ძალისხმევით, იგი ჩამოყალიბდა რეგიონის ლიდერად.

თავად მე, როგორც სამსახურებრივად, ასევე პირადად ბევრი რამ მაკავშირებს გაზეთ „კოლხეთთან“. განსაკუთრებით მსურს გავიხსენო ახალგაზრდობის წლები, როდესაც სხვადასხვა აქტუალურ საკითხებზე ვწერდი მიმოხილვებს, ვაქვეყნებდი მნიშვნელოვან წერილებსა და სტატიებს. სწორედ აღნიშნული ეტაპიდან გახდა ჩემთვის გაზეთი „კოლხეთი“ მშობლიური, მან შემაყვარა და მასწავლა პრესასთან ურთიერთობა, რისთვისაც გამოვხატავ მადლიერებას. განსაკუთრებით მსურს გავიხსენო სარედაქციო და შემოქმედებითი ჯგუფის წევრები, ან. გარდაცვლილი: ვლადიმერ (ილო) ნირლევა, ბორის შენგელია, გალაქტიონ რობაქიძე, რეზო ჯანჯღავა, თამაზ კანკია, გოგოლა მზარელა, სოლომონ კუჭავა, ლამარა გადელია, იონა გვასალია და სხვა კოლეგები, რომლებმაც უდიდესი როლი შეასრულეს გაზეთ „კოლხეთი“-ის საუკუნოვანი ისტორიის ჩამოყალიბებასა და მის წარმატებაში.

ხელმძღვანელობასა და სარედაქციო კოლექტივთან ერთად, არ შემოდის არ გავიხსენო სტამბის თანამშრომლები, რომლებიც აქტიურად იყვნენ ჩართული

საგამომცემლო საქმიანობაში. მსურს გამოვყო სტამბის დირექტორი ან. გარდაცვლილი ბატონი გურამ გიგიბერია. აქვე მსურს გულითადად მივულოცო გაზეთის იუბილე სტამბის ღვაწლმოსილ ქალბატონს, დიანა ბერაიას და ვუსურვო მას ჯანმრთელობა.

მნიშვნელოვანია და მისასალმებელია, რომ გაზეთი „კოლხეთი“ დღესაც აქტუალურია და მოწინავეა თავისი გამორჩეული ხელნერით რეგიონის სინამდვილეში. მას კვლავაც ღირსეულად ხელმძღვანელობენ ქალბატონები ნინო სართანია და მედეა ბალათურია შემოქმედებით ჯგუფთან ერთად.

როგორც ერთ-ერთი რიგითი სენაკელი თავს ვალდებული ვთვლი კვლავაც ხელი შევუწყო გაზეთის განვითარებას და წარმატებას.

გულწრფელი სიყვარულით კიდევ ერთხელ ვულოცავ გაზეთ „კოლხეთს“ 100 წლის იუბილეს. მის დიდ ოჯახს, სარედაქციო ჯგუფს, ჟურნალისტებს და ყველას ვინც მონაწილეობს საგამომცემლო პროცესში ვუსურვებ წარმატებებს, აქტუალურობას, ტრადიციების გაგრძელებას.

მრავალი წელი ღირსეულად გეტარებინათ საუკეთესო გაზეთის სახელი!

**ულრმესი პატივისცემითა და სიყვარულით
ბურაბი მისაბიძგიანი, აფხაზეთის ავტონომიური რესპუბლიკის იძულებით გადაადგილებულ პირთა მინისტრის პირველი მოადგილე**

გადარჩენა-განვითარებას მუდმივი ინოვაცია სჭირდება

დღეს ჩვენს ქვეყანაში მოქმედებს მედიასაშუალებათა მრავალფეროვანი სპექტრი. მასობრივი კომუნიკაციის ბეჭდვითი თუ ელექტრონული საშუალებებით, ინტერნეტით საზოგადოებას მიეწოდება რეგულარული ინფორმაცია საზოგადოებრივი ცხოვრების ყველა სფეროში მიმდინარე სახელეებზე.

ამ ფონზე ნამდვილად არ არის ადვილი სიცოცხლისუნარიანობა შეინარჩუნოს რეგიონალურმა, ქალაქის, მუნიციპალიტეტის გაზეთებმა. ჩვენი მუნიციპალიტეტის ჟურნალისტების სასახლოდ უნდა ითქვას, რომ მათ „გაზეთ კოლხეთს“ შეუწარმუნეს სახე. 100 წლიანი ისტორიით მხრებდამძიმებული დღესაც აგრძელებს საგამომცემლო საქმიანობას. 100 წელია „კოლხეთი“ ვითარდება, იზრდება. „მრავალ დროების მონამე“ ახერხებს ფეხი აუწყოს თანამედროვე ჟურნალისტიკის მოთხოვნებს.

ყველას კარგად გვახსოვს საბჭოური წლები, როდესაც გაზეთი პარტიულ ჩარჩოებში მოქცეული იშვიათად წერდასან თითქმის არ წერდა) სოციალურ პრობლემაზე, ქვეყნის საგარეო კურსზე, საშინაო პოლიტიკაზე. თუმცა მის ფურცლებზე იბეჭდებოდა ვრცელი რეპორტაჟები, სამშენებლო, სამრეწველო, სასოფლო, საყოფაცხოვრებო დანიშნულების მშენებარე ობიექტებიდან, ჩაის პლანტაციებიდან. ასე ქმნიდა „კოლხეთი“ სენაკის ისტორიას, ტრადიციებს, წეს-ჩვეულებებს, ცნობილ ადამიანთა ცხოვრების და მოღვაწეობის ამსახველ დეტალებს, ისტორიულ პიროვნებებისა და ღირსსახსოვარი ძეგლების ფოტომატიანებს.

ასე ნაბიჯ-ნაბიჯ ინახავდა გაზეთი ქალაქის წარსულს, ქმნიდა მომავლის განვითარება-განახლების პერსპექტივას.

მართალია, წლებმა ბევრი რამ შეცვალა, ბევრი რამ დაინწყება მისცა, მაგრამ მე, როგორც წინა თაობის მშენებელი ვთვლი, რომ წარსული ჩვენი ფესვებია, რომელზედაც უნდა აღმოცენდეს ახალი. ილია ამბობდა: „ანმყო შობილი წარსულისაგან, არის მომზადი მომავალისაო“.

როგორც თაობათა ცვლის მომსწრე, პატივისცემით ვიგონებ წინა თაობის ჟურნალისტებს: ბორის შენგელიას, რეზო ჯანჯღავას, გოგოლა მზარელას, ლამარა გადელიას, თამაზ კანკიას, სოლომონ კუჭავას, ადამიანებს, რომლებიც გამოირჩეოდნენ ინტელექტით, ზნეობრივი ღირებულებებით, პროფესიონალიზმით, საქმისადმი პასუხისმგებლური მიდგომით.

გაზეთის ამჟამინდელ რედაქციას ვულოცავ „კოლხეთის“ ასი წლის იუბილეს. ვუსურვებ შემოქმედებით წარმატებებს, ოჯახურ სიმშვიდეს, ფინანსურ სიძლიერეს, მეტ მკითხველს, ახალ იდეებს, რადგანაც გარემო ელვის სისწრაფით იცვლება და გადარჩენა- განვითარებისათვის, მუდმივი ინოვაციებია აუცილებელი.

ასევე ვულოცავ სრულიად სენაკს, ჩვენს ქალაქს, სადაც სჭირდებათ, იციან ბეჭდური მედიისა და ამ გაზეთის ფასი.

ძვირფასო „კოლხეთელებო“ მრავალჟამიერ თქვენი სიტყვა!

დემურ ბადელია, ს.ს. „არქეპოლისი“-ს დამფუძნებელი, სამეთვალყურეო საბჭოს თავმჯდომარე, ეკონომიკის მეცნიერებათა დოქტორი, პროფესორი, ორი მონვევის პარლამენტის წევრი, ორგზის ღირსების ორდენის კავალერი, წმინდა ნიკოლოზის ორდენის მფლობელი, სამგზის „საქართველოს დამსახურებული მეგზვე“ , სენაკისა და ზუგდიდის საპატიო მოქალაქე

შენი მრავალჟამიერი „კოლხეთო“!

ჩვენს ერს, ჩვენს საყვარელ ქალაქ სენაკს და გაზეთ „კოლხეთს“ სხვადასხვა დროს, სხვადასხვა სახელით იცნობდნენ:

ქალაქ ცხაკაიას (საბჭოთა პერიოდში სენაკს შეუცვალეს სახელი და ნაცვლად თავის პირვანდელი სახელისა, რეკოლუციონერი მიხა ცხაკაიას ხსოვნის საპატივცემოდ უწოდეს მიხა-ცხაკაია).

სწორედ, ამ მიხა-ცხაკაიად წოდებულ ქალაქში 1923 წელს დაარსებულმა გაზეთმა „კომუნამ“ გააგრძელა არსებობა სახელწოდებით „ავანგარდი“. მოგვიანებით მას „კოლხეთის ცისკარი“ დაერქვა, 1970-იან წლებში კი „კოლხეთი“.

ქალაქი სენაკი ოდითგანვე ცნობილი იყო: ქართული ენის სიმწინდით, ხალხის მაღალი პროფესიული განათლებით, ზნეობით, ჩაცმა-დახურვის დახვეწილი მანერით და წიგნების კითხვით თითო მოსახლეზე გათვალისწინებით მაღალი პროცენტით.

სენაკში არ იყო ოჯახი, სადაც ჟურნალ-გაზეთები, ლიტერატურული და ტექნიკური აღმანახები არ იყო გამოწერილი. ანუ, თავად საზოგადოების კითხვითი მოთხოვნის მაღალი დონე და წიგნმანათა პრეტენზიული მანერა ადვილად დასაძლევია როდი იყო.

ამას ხაზს ვუსვამ, იმიტომ რომ წარმოგიდგინოთ ერთი სენაკელი ოჯახი, მაგალითად ყარამან და მარიამ ჯიქიათა ოჯახს გამოწერილი ჰქონდა ყველა სახის ჟურნალი და პრესა, როგორც ქართულენოვანი, ასევე რუსულენოვანიც. ოჯახში ყოველდღიურად ეცნობოდნენ პრესას და რა დონის უნდა ყოფილიყო გაზეთი «ავანგარდი», «კოლხეთის ცისკარი», ან თუნდაც გაზეთი «კოლხეთი», რომ გაეძლია რესპუბლიკური და საბჭოთა კავშირის დონეზე გამოირჩეულ პრესის კონკურენციას?

რა დონის ორგანიზაცია? როგორი მმართველი სისტემა? რამდენად ძლიერი ჟურნალისტები?

როგორი ეროვნული ხედვისა და სტრატეგიული გეგმების სწორად განსაზღვრა-გაჯერება უნდა მოეხ-

დინათ, რომ არც საბჭოთა ხაფანგში არ გახლართულიყვნენ და არც მათკენ მოპყრობილი ხალხის გულისყური და ღირსება შეეღაბათ?

საოცარია! დაუჯერებელია! წარმოუდგენელია!

ისმება კითხვა: როგორ შეძლეს? რა გზით მიადინეს? როგორ მოახერხეს? ...

ამ და მრავალ ამის მსგავს კითხვებზე პასუხის გაცემა ძნელია, ვინც არ იცნობდა მათ!!!

დიახ, მათ! ესენი იყვნენ: ვლადიმერ ნირლევა, მამანტი ქვარცხავა, ბორის მილუტინი, მოკოდი აბშილავა, გალაქტიონ რობაქიძე, ბორის შენგელია, სოლომონ კუჭავა, რეზო ჯანჯღავა, მირონე გავულაშვილი, ლამარა გადელია, გოგოლა მზარელა, კარლო ტაბაღა, შოთა ხარეზავა, იოანე გვასალია, დიახ, მათ შეძლეს და გაიტანეს:

გაუძლეს რუსულ საბჭოთა კრიტიკას; სინდის შეუბღალავად ემსახურნენ სიმართლეს და ერს;

საუკუნეა თავმომწონედ, მაღალ პროფესიული შეგნებითა და ღირსებით ასრულებენ მისიას;

საოცარი განსჭვრეტისა და სტრატეგიული ნიჭის პატრონებმა მოთხოვნის დონეზე გაიარეს ციცაბო კლდეთა ქიმზე;

დიახ, დიახ მათ ეს შეძლეს, ერთდროულად ღირსებით ეტარებინათ ჟურნალისტის, მამულიშვილისა და ქალაქის ელიტის ნოდება სინდის-ნამუსის წილხვედრამი და სამაგალითო ერისშვილობაში!

ძნელია, XXI საუკუნის გადმოსახედიდან რუსულ-ცარისტულ-საბჭოთა ცენზურის დაუნდობელი მანქანის წარმოდგენა, მაგრამ უფროს თაობას ახსოვს ქალაქში მომრავლებული «პურის მანქანები», რომლებიც სინამდვილეში «სიმართლის მთქმელთ» ატუსაღებდნენ და უკეთეს შემთხვევაში გადასახლებაში, უარესში კი იმავე ღამეს დახვრებით მთავრდებოდა.

სწორედ ამ რეჟიმის 76 წელიან სიკვდილ-სიცოცხლის მანქანასთან შეჭიდებულნი იცავდნენ ქართულ მეობას, ერისშვილობას და ჟურნალისტურ პირდაპირობას.

თვითეული მათგანი, თავის რედკოლეგიით, სტამბის თანამშრომლების ჩათვლით უნდა ჩაითვალოს, როგორც «ფრონტის წინა ხაზის ჯარისკაცად» და ყველაზე მცირე, «ღირსების ორდენით დაჯილდოვდნენ» და ეს ორდენი მათ ოჯახებს გადაეცეს, რათა თაობიდან თაობამ იცოდეს რა შეუძლია ერთიან, პროფესიულად ძლიერ, პროფესულად ალალ-მართალ, მამულიშვილთა ერთობას!!!

მე, ლიანა ჯიქია-გოგრიჭიანი, პირადად ვიცნობდი რამოდენიმე მათგანს, მქონდა ბედნიერება მოემსმინა მათთვის, მიმელო მათი დარიგება, მეკისკისა მათ საოცარ იუმორზე, მაგრამ ამავდროულად, არასდროს ჰქონია ადგილი უპატივცემლობას თუ ზღვარგადასულ ხუმრობას. ეს იყო თაობა რაფინირებულ ინტელიგენტთა, რომელთა-ნაც ურთიერთობით იცნობდი, ინტელექტუალურად გაჯადოვებდათ მათი შესაძლებლობები: შეჯამებისა და დასკვნების კეთების მანერა, ყველაფრის ლოგიკური ანალიზი, მეგობრული და ამავდროულად მონინებითი-დისტანციური, ოფიციალური დამოკიდებულებები.

გაოცებდათ უფროს-უმცროსობის ინსტიტუტის არსებობა და ეს «არავის უშლიდა ნერვებს», პირიქით, ამ სწორი ფსიქოლოგიური მეთოდის მადლით, არ ირღვეოდა ურთიერთპატივისცემის სისტემა და ყველამ იცოდა თავის უფუქცია და მოვალეობა. ალბათ, ესეც ერთ-ერთი ამ თაობისთვის დამახასიათებელი თვისება გახლდათ.

ალბათ, ამ დიდ ტრადიციებიდან გამომდინარე, მაღალი ხარისხისათვის საუკუნოვანმა ლტოლვამ შექმნა და გამოანართო ჟურნალისტთა პლეადები.

ვლადები მისი წარმატება-ბედნიერებით, გული მიკვნისის მისი ტკივილისგან, მაგრამ ორივე შემთხვევაში ვარ მისი შვილი, მისი ნაწილი, მისი სენაკში დაბადებულ-გაზრდილ-გაფრენილი სხვა ქვეყნებში შვილი, რომელსაც შინ დაბრუნება შეაგვიანდა და ახლა ელოდება იმ გაზაფხულს, რომ გაშალოს ფრთები და იფრინოს მონატრებული და მოსიყვარული სენაკის ჩასახუტებლად...

საქართველოში რომ დავბრუნდები, ამაში უდიდესი ღვაწლი დედაჩემს, ლიდა ჯიქიას, მამას, რაფდენ კოკი ჯიქიას და ჩემს «კოლხეთს» უნდა ვუბადლოდე. როდესაც ვამბობ გაზეთ «კოლხეთს» განსაკუთრებული მადლობა მია გერგაიას ეკუთვნის, რომელიც არასდროს მივიწყებს და ქორავა ამბებს მანვინის რეგულარული მეგობარი.

დიდება და შენი მრავალჟამიერი ჩვენო «კოლხეთო»!

გილოცავ დაბადებიდან 100 წლისთავს, რომელიც ბევრიცაა და ცოტაც, ვინაიდან შენ არ ბერდები, არამედ მწიფდები და ისეები ყოველივე საუკეთესოთი, რასაც ქართული ისტორიული მეხსიერება ჰქვია.

**პატივისცემით
ლიანა ჯიქია-გოგრიჭიანი, სენაკის საპატიო მოქალაქე, ევროპის, საქართველოსა და ბრიტანეთის განსაკუთრებული ღვაწლის კავალერი, ფაზისის აკადემიის წევრი, გაერთიანებული სამეფოსა და ირლანდიის ფაზისის აკადემიის ცენტრის ხელმძღვანელი, გაერთიანებული სამეფოსა და ირლანდიის ქართული მართლმადიდებლური ეპარქიის ჯვარი პატიოსანის ორდენისა და წმინდა იოანე არიმთიელის ჯილდოს მფლობელი, ბრიტანეთის მოსწავლე-ახალგაზრდობის რჩეული პედაგოგის «ბრიტანეთის საუნჯე» ტიტულის მფლობელი, გაერთიანებული სამეფოს ორგზის ოქროსოვანდენოსანი საუკეთესო ხარისხის პირველი ქართული სკოლის დამფუძნებელი და დირექტორი, საერთაშორისო დონეზე საქართველოს კულტურული მემკვიდრეობის მმართველების კოორდინატორი, ლონდონის საერთაშორისო-სამეცნიერო კონფერენციის იდეის ავტორი, კოლხური კულტურის საერთაშორისო ასოციაცია „აივლის“ პრეზიდენტი**

რეგიონის ჟურნალისტები ბევრად უკეთ იცავენ ეთიკის ნორმებს

ამ დღეებში შევხვდით ჩვენი მუნიციპალიტეტის ღირსეულ შვილს-სენაკის, ფოთის, თბილისის, ინდიანას შტატის ქალაქ მანსის საპატიო მოქალაქეს, საქართველოს დამსახურებულ მოღვაწეს, არქიტექტორს, არქიტექტურის საერთაშორისო აკადემიის აკადემიკოსს, მრავალი ეროვნული და საერთაშორისო ჯილდოს მფლობელს (რომელთა ჩამოთვლა ერთ სავაზეთო სტატიისთვის შეუძლებელია), ესეისტს, პუბლიცისტს ბატონ მახტან მამუკაშვილს თბილისში, რამიშვილის ქუჩაზე განთავსებულ სახელოსნოში.

სამუშაო სივრცის ყოველ კუთხე-კუთხულოდ უნიკალური ნიმუშები „იმზრებთან“. ხელოვნების ნიმუშების გარდა მისი პირადი არქივი უამრავ საინტერესო მასალას იტევს.

მისი ავტორობით გამოცემულ ნიგნებს, სტატიებს, ქართულ და უცხოურ პროფესიულ გამოცემებში ხელოვნებადმი მიძღვნილ კორესპონდენციებს, მსოფლიოს სხვადასხვა ქვეყანაში მოგზაურობის ამსახველ დღიურებს, რეცენზიებს განხორციელებულ პროექტებზე გამორჩეულად მნიშვნელოვან შეიძლება დასახელებს, მაგთიკომის ქართულ-ინგლისური მონოგრაფია-ალბომი „ვახტანგ დავითაია, არქიტექტურა, ფერწერა, გრაფიკა“, მ. დავითაიას ნიგნი „ბრწყინვალე ბუნება. ბრწყინვალე ხალხი, ბრწყინვალე არქიტექტურა“.

ჩვენი საუბარი ძირითადად ბეჭდური მედიის პრობლემებს შეეხო.

ბატონი ვახტანგ ულოცავს სენაკელებს „კოლხეთის“ 100 წლის იუბილეს და რეგიონალური მედიის საჭირობოთო საკითხებზე საუბრობს.

ბატონი ვახტანგ, მოგესხენებათ სახელმწიფოში ახალ მედიასაშუალებათა ზრდის ფონზე, ბევრმა რეგიონალურმა და რაიონულმა გამოცემამ შეწყვიტა არსებობა, ამ დროს სენაკის მუნიციპალიტეტის გაზეთმა „კოლხეთმა“ საუკუნის ქარტეხილებს გაუძლო, მას დაარსებიდან 100 წელი შეუსრულდა, თქვენ როგორც სენაკელი, ამასთან სენაკის საპატიო მოქალაქე როგორ შეაფასებდით ამ ფაქტს?

უპირველესად ვულოცავ ჩემი მშობლიური ქალაქის მოსახლეობას გაზეთის 100 წლის იუბილეს. ის გარემოება, რომ გაზეთი დღესაც ფუნქციონირებს და ემსახურება საზოგადოებრივი აზრის სწორად წარმართვას, თვალნათლივ მიუთითებს აქ დასაქმებული ჟურნალისტების თავდადებასა და მაღალ პროფესიონალიზმზე.

რამდენადაც ჩემთვის ცნობილია ადგილზე არ არის პოლიგრაფიული ბაზა და გაზეთის მუშაკებს მუდმივად უწევს მიზობელ რაიონებსა და ქალაქში სიარძლი. ცხადია ეს ქმნის დიდ ტექნიკურ სირთულეს და საჭიროებს დამატებით ფინანსებს.

მიუხედავად სიძნელებისა, ჩანს გაზეთი მედგრად ინარჩუნებს სიცოცხლისუნარიანობას, ეს კი მიუთითებს საზოგადოების მხრივ გაზეთის რედაქციებისადმი გამოვლენილ ნდობის მაღალ კოეფიციენტზე. აქვე იკვეთება ადგილობრივი ხელისუფლების დაინტერესება. მე ვიცნობ მუნიციპალიტეტის ახალ-გაზრდა მერს ვახტანგ გადელიას, კონტაქტები მქონდა წინამორბედებთანაც. აქედან გამომდინარე ვთვლი, რომ სენაკში ხელისუფლების პირველი პირები სწორად აფასებენ იმ როლს, რაც რეგიონალური მედიასაშუალებას აკისრია მოსახ-



ბატონი ვახტანგ, ხომ ვერ გაიხსენებთ გაზეთის ყოფილ და ამჟამინდელ რედაქციებთან ურთიერთობის დეტალებს.

მინდა გითხრა, რომ სკოლის და უმაღლესი სასწავლებლის დამ-

ლეობის პრობლემების გაცნობისა და სოციუმთან დაახლოების მნიშვნელოვან საქმეში.

ბატონო ვახტანგ, ხომ ვერ გაიხსენებთ გაზეთის ყოფილ და ამჟამინდელ რედაქციებთან ურთიერთობის დეტალებს.



ბატონი ვახტანგ, ეთანხმებით თუ არა შეფასებას, რომ დღეს რეგიონალური პრესა უფრო უკეთესად იცავს მოვლენების ეთიკურად გაშუქების სტანდარტს, ვიდრე ცენტრალური მედიასაშუალებები.

ბატონი ვახტანგ, ეთანხმებით თუ არა შეფასებას, რომ დღეს რეგიონალური პრესა უფრო უკეთესად იცავს მოვლენების ეთიკურად გაშუქების სტანდარტს, ვიდრე ცენტრალური მედიასაშუალებები.

დიახ, პერიფერიებში, რაიონებში, პატარა ქალაქებსა და დაბებში შენარჩუნებულია თავაზიანობა და ურთიერთპატივისცემა. არც სუბიექტური მიზეზებით ხდება ერთმანეთის გინება. ობიექტური ფაქტორების გამოვლენის შემთხვევაშიც რეგიონალური მედია მეტ თავაზიანობას იჩენს. რეგიონის ჟურნალისტები ჩემი აზრით, უფრო ხელდასაყრდენი პროფესიულ „რეპუტაციის“ შელახვას. თუმცა ეს სულაც არ ნიშნავს იმას, რომ ისინი სიმართლზე თვალს ხუჭავენ, ან არ შეუძლიათ საინტერესო, ექსკლუზიური თემების მოძიება და მოსახლეობამდე მიტანა.

მე ასე ვიტყვოდი, რაიონის, ქალაქის გაზეთში უფრო მეტად ეთმობა ტრიბუნა უბრალო ადამიანებს, ვიდრე ცენტრალურში, რეგიონის ჟურნალისტები ბევრად უკეთ იცავენ ეთიკურ ნორმებს, ვიდრე ცენტრალურ მედიებში დასაქმებული მუშაკები.

რას უსურვებთ და ურჩევთ გაზეთ „კოლხეთის“ რედაქციას?

გისურვებთ დაფინანსების წყაროს გაზრდას, რადგანაც მწირი ფინანსით ვერ ხერხდება სრულფასოვანი საქმიანობა და ხარისხიანი გაზეთის გამოშვება. მცირერიცხოვანი გუნდითაც ცხადია ძნელია მაღალხარისხიანი მედიასაშუალებების მომზადება. გაიზრდება მედია შემოსავალი-გაიზრდება მკითხველი.

კიდევ ერთხელ ვულოცავ თქვენს გუნდს 100 წლის იუბილეს, ვულოცავ სრულიად სენაკს, გისურვებთ ჯანმრთელობას, წარმატებებს, მეტ ფულს, ბევრ მკითხველს და ბევრ რესპონდენტს.

P.S. რედაქციის სახელით გვინდა მადლობა გადაუხადოთ ბატონ ვახტანგ დავითაიას გულთბილი მიღებისა და კეთილი სურვილებით.

ასაკის მიუხედავად ჩვეული ენერჯით ფუსფუსებს თავის სახელოსნოში „კოლხეთის დედის“, „დაჭრილი არწივის“, „გამარჯვების მონუმენტის“, „მეზღვარის მემორიალის“, „ხსოვნის ტაძარის“, „ალგეთის ბაზილიკის“ და სხვათა ავტორი. დიდხანს სიცოცხლე, ხალი-სიანი დღეები, კვლავაც ნაყოფიერი მოღვაწეობა დიდებულ სენაკელს.

მომზადდა მიდია ბალაოურიამ

ბატონი ვახტანგი იყო სენაკში სახვითი ხელოვნების გალერეის გახსნის ინიციატორი. 1979 წელს აგებული გალერეის შენობა არის ერთერთი მნიშვნელოვანი არქიტექტურული ძეგლი, კარგია რომ რეაბილიტაცია გაუკეთდა შენობას, გარე ფასადს და სადემონსტრაციო დარბაზებს. აქვე მინდა მოვიყვანო ჩემი გამოხატულება „დიდ არქიტექტურას გონიერი დამკვეთები ქმნიან“. ვახტანგ ესვანჯია ნამდვილად გახლდათ გონიერი დამკვეთი, სენაკის დიდი გულშემამტკივარი და მოჭირნახულე.

რაც შეეხება მემორიალს „ხსოვნის კუბი“, იგი მიედევნა ომში დაღუპული სენაკელების ხსოვნას. შიდა სივრცე საესეა განამტკივლი, დეფორმირებული, გაქვავებული ადამიანების-ქალების, ბავშვების ქანდაკებით, აქ ნამდვილი ჯოჯოხეთია, ომის ჯოჯოხეთი, კუბის მოწოდება არ განმეორდეს ომის საშინელება. მოქანდაკე ვაჟა მელი-



ქიშვილმა შესანიშნავად შეასრულა არქიტექტორის ჩანაფიქრი.

მინდა ვთქვა, რომ სენაკელებმა თავიდან მაინცდამაინც დიდი ენთუზიაზმით ვერ მიიღეს „ხსოვნის კუბი“, მაგრამ მსოფლიომ მიიღო იგი.



მემორიალს სჭირდება შიდა სარემონტო სამუშაოები, გარეცხვა, განათება, რაზედაც საქმის კურსში არიან დღევანდელი ხელისუფლების პირველი პირები.

მართალია შესრულდა გარე სამუშაოები, მაგრამ ეს არ არის საკმარისი. როცა მონესრიგდება ყოველივე, კუბი მიიღებს „უძრავი ძეგლის“ სტატუსს. დიდა მემორიალის მნიშვნელობა, ის გამოხატავს ზოგადსაკაცობრო ტრაგედიას.

თავისუფალი სიტყვის ძალა

თანამედროვე სამყაროში თავისუფალ სიტყვას ძალიან დიდი ძალა აქვს. ჩვენს რეალობაში კი არსებობენ ადამიანები, რომელთა ყოველდღიური განუყოფელი ნაწილია საზოგადოების თითოეულ წევრამდე თავისუფალი სიტყვის მიტანა. გაზეთი იყო პირველი პლატფორმა, რომელმაც ჯერ კიდევ XVI საუკუნეში გაარღვია იმდროინდელ მოსახლეობაში შექმნილი ინფორმაციული ვაკუუმი.

მე როგორც რიგითი სენაკელი, ამჟამად ბედნიერი ვარ იმით, რომ ჩემს პატარა, კოხტა და კოხტა ქალაქში დღემდე ფუნქციონირებს რეგიონში უხუცესი გაზეთი – „კოლხეთი“. მინდა „კოლხეთელს“ მივულოცო 100 წლის იუბილე, რიგი მიზეზების გამო მათთან წლებია მაქვს ადამიანური სიახლოვე. მათთან ურთიერთობისას მუდმივად იგრძნობა საქმისადმი სიყვარული, ენთუზიაზმი და პროფესიონალიზმი. მინდა წარმატებები გისურვოთ შემდგომ საქმიანობაში, კიდევ მრავალი წელი ყოფილიყოთ თავისუფალი სიტყვის მედროშები.

ცოტანა ეპიზოდი, თბილისის ივანე ჯავახიშვილის სახელობის სახელმწიფო უნივერსიტეტის პოლიტიკის მეცნიერების ფაკულტეტის | კურსის სტუდენტი

მუდამ ავანგარდში

ასი წლის გახდა გაზეთი „კოლხეთი“. 1923 წლის 1 მაისიდან დღემდე ფუნქციონირებს და ღირსეული ადგილი უჭირავს სენაკელების ცხოვრებაში და არამარტო სენაკელების...

გაზეთ „კოლხეთი“ არაერთი ნიჭიერი და კეთილსინდისიერი ჟურნალისტი თუ პუბლიცისტი მუშაობდა, რომელთაც დიდი წვლილი შეიტანეს გაზეთის განვითარებაში და სენაკელების ყოველდღიურ ცხოვრებაში დასამკვიდრებლად. მის წიაღში ბევრმა ღირსეულმა და ნიჭიერმა ადამიანმა აიღვა ფეხი.

მე მასხოვს გაზეთ „კოლხეთში“ მოღვაწე ბრწყინვალე ადამიანები, ბატონები: ილია ნირღვავა, გალაქტიონ რობაქიძე, ბორის შენგელია, რეზო ჯანჯღავა, თამაზ კანკია, გოგოლა მზარეულა და სხვები, რომელთა მეცადინეობით და საქმისადმი სიყვარულით ბევრი ქარტეხილი გამოიარა გაზეთმა, მაგრამ ის მუდამ ავანგარდში იდგა.

მე მინდა გაზეთ „კოლხეთს“ და მის მთელ კოლექტივს მივულოცო საიუბილეო თარიღი, ვუსურვო მათ ღირსეულად განვგრძოთ ესოდენ მნიშვნელოვანი საქმე და თავისი წვლილი შეეტანოთ სენაკის კულტურულ თუ ყოველდღიურ ცხოვრებაში.

პატივისცემით ბაქიზ სურსილი (ბაქრი სურცილავა), პოეტი

გრძელი, ძნელი და მძიმე გზა

სენაკის მუნიციპალიტეტის ისტორიული ზედი მჭიდროდა დაკავშირებული გაზეთი „კოლხეთი“ რომელსაც დაარსების 100 წელი შეუსრულდა. გრძელი, ძნელი და მძიმე გზა გაიარა გაზეთმა, რომლის საუკუნოვანი საქმიანობა ბოროტზე კეთილის, ურწმუნოებზე რწმენის, უსამშობლოზე სამშობლოს გამარჯვების გამორჩეული მაგალითი იყო და იქნება თაობებისათვის.

გაზეთის რედაქცია, თანამშრომელთა დიდი პროფესიონალიზმით, გულმოდგინებითა და სიყვარულით გამორჩეული, 100 წლის განმავლობაში მოუთხოვდა მკითხველს სენაკსა და სენაკელებთან დაკავშირებულ წარმატებებსა თუ ხარვეზებზე, მათი აღმოფხვრის გზებზე და მნიშვნელოვანი წვლილი შეჰქონდა ჩვენი ხალხის კეთილდღეობის საქმეში.

ბედნიერი ვარ, რომ მხვდა პატივი, გასული საუკუნის 60-იანი წლებიდან ახლო ურთიერთობა მქონდა გაზეთის რედაქციასთან, მის შესანიშნავ რედაქტორებსა თუ თანამშრომლებთან, რომლებიც დიდი რუდუნებით, რწმენითა და სიყვარულით ემსახურებოდნენ სამშობლოს. ბედნიერი ვარ იმითაც, რომ გაზეთის რედაქციასთან ჩემი მეგობრობა დღემდე გრძელდება. მინდა ვისარგებლო შემთხვევით და 100 წლის „კოლხეთს“, მის ამჟამინდელ მესვეურებსა და თანამშრომლებს გულითადად მივულოცო გაზეთის საუკუნოვანი იუბილე.

გისურვებთ ძალის სიმტკიცეს, ღვთის შეწევნას და წარმატებას პირად თუ საზოგადოებრივ საქმიანობაში, ყველა კეთილ საქმესა და წამოწყებაში ჩვეული გულმხურვალებით გელვანოთ ახლანდელი და მომავალი თაობების წინაშე სენაკისა და სენაკელების საკეთილდღეოდ.

სიყვარულით
ანზორ ცაბუშია,
სენაკის საპატიო მოქალაქე

გაზეთი – ინტელექტუალური აზროვნების ნაყოფი

რიგით პარტიულ სამუშაოზე ვიყავი, როცა სრულიად ახალგაზრდა რაიონული გაზეთის რედაქტორად გამაძენეს. ჩემთვის სრულიად უცხო სფერო იყო, რადგან მაშინ არც ჟურნალისტი ვიყავი და არც გაზეთში ნამუშევარი. გამოიკვეთა, ახალი ასპარეზი, ახალი მინაარსითა და თავისებურებებით, ჩემთვის მანამაღე უცნობი სპეციფიკით.

კაცმა რაც არ იცის, ის ყოველთვის ძნელია! ასე იყო ჩემთვისაც. ამ შემთხვევაში სამეგრელოში კოლეგებს შორის (ისააკ ქორთუა, ბორის შენგელია, შოთა ფიფია, ტიტე შელია, აკაკი ტიკარაძე, აკაკი შენგელია, ლუდმილა მონერელიასაკით ყველაზე ახალგაზრდა ვიყავი. საერთოდ საქმის დაწყება შედარებით რთულია, მაგრამ მონდომება, სიბეჯითე და ოპტიმისტური განწყობა მაინც გადამწყვეტია და პოზიტიურმა შედეგამაც მალე იჩინა თავი. ამაში კი მნიშვნელოვანად, როგორც ადგილობრივი, მეზობელი რაიონების და მათ შორის ყველაზე მეტად ახლო, სენაკის (მაშინდელი ცხაკაისა) გაზეთის (მაშინდელი რედაქტორი ბორის შენგელია, პასუხისმგებელი მდივანი ილო ნირღვავა) მუშაკების გამოცდილებას დავყვარდენი, მათგან ბევრი რამ სასიკეთოდ ავითვისე და გამოვიყენე.

გაზეთი ხომ ერთი და ან ორი კაცის გემოვნებითა და სურვილებით გამოშვებული გამოცემა არაა, არამედ მთელი სარედაქციო კოლექტივის და შტატგარეშე აქტივის ინტელექტუალური აზროვნებისა და შრომის ნაყოფია. აქ კი მთავარი მათთვის სწორი და საჭირო მიმართულების მიცემაა.

გაზეთის გამოშვების ხარისხი და დროულობა დიდადაა დამოკიდებული სტამბის გამართულ მუშაობაზე, ამ ცხრივ სენაკელები ჩვენზე გაცილებით გამართულები და საიმედონი იყვნენ. აქედან გამომდინარე, უამრავჯერ მიგვიმართავს მათთვის დახმა-

რებისათვის, რაც ყოველთვის უანგაროდ, დაუყვედრებლად მიგვიღია. აბა, ვისთვის უნდა მიგვემართა, თუ არა უახლოესი მეზობლებისათვის და მეგობრებისათვის, რაც დღემდე სასიამოვნოდ მახსენდება. გაზეთში მუშაობამ სხვა სიკეთებთან ერთად, უკეთ გამაცნო ჩვენი და მეზობელი რაიონების იმდროინდელი თაობის ღირსეული წარმომადგენლები, ყველა დარგის მონაწივენი, შევიძინე ახალი მეგობრები, თანამოქალაქი და სრულიად ახლომდგომი ადამიანები, რომლებთანაც ურთიერთობით მიღებულ დადებით მუხტს და ემოციებს დღემდე სათუთად ვინახავ და მოფერებით ვატარებ.

ყველა პროფესიას თავის აზარტი აქვს, დაინტერესება და გატაცება იცის, თუ გიყვარს და პატივს სცემ მას. ჩვენს დროს დღევანდლობისაგან განსხვავებით, ბეჭდური სიტყვა განსაკუთრებული ყურადღებით გახლდათ გარემოსილი და ის გადაქცეული იყო იმ მაგიურ ძალად, რომელიც წარმატებით ეხმარებოდა სისტემას მთავარი მიზნების განხორციელებაში. ჟურნალისტი გახლდათ ერთგვარი ქურუმი, სამართლიანობის ნების გამოხატველი და მისი სიტყვა, თუ გაზეთში დაიბეჭდებოდა თითქმის სასამართლოს განაჩენსაც უტოლდებოდა. ჟურნალისტი თავის ჩანაწერებში, რა თქმა უნდა მართალი უნდა იყოს, მაგრამ სიმართლის თქმასაც თავისი ფორმა და მიზანი უნდა გააჩნდეს, რომ ნამოყვარებად, გაკილვად და დაცინვად არ გამოგვივიდეს.

გულწრფელად ვულოცავ სენაკის რაიონულ გაზეთს ღირსეულ იუბილეს და წარმატებებს ვუსურვებ მის დღევანდელ კოლექტივს და მკითხველ ფართო საზოგადოებას!

რაულ ჯახია,
პოლიტოლოგი, ხობის რაიონული გაზეთის რედაქტორი 1970-75 წლებში

ჩვენო საყვარელო ძალაქო, „კოლხეთელებო“!

ისრაელის წმინდა მინიდან გულითადად ვულოცავ ჩვენი კოპნია, სათაყვანო ქალაქის ფამთალმწერლის, გაზეთ „კოლხეთის“, მაგრამ ჭიანჭველასავით შრომისმოყვარე კოლექტივს სახელოვანი იუბილეს-დაარსებიდან ასი წლისთავს.

ასი წელი მარადისობისთვის იქნებ ძალიან ცოტაა, მაგრამ ჩვენი პატარა ქალაქის რამდენიმე თაობისთვის მთელი ეპოქა... ეპოქა, რომელმაც დაიტია საქართველოს გასაბჭოებიდან დღემდე გავლილი გზის ყველა აღმართ-დაღმართი, ტკივილი და სიხარული, მარცხი და წარმატება... ეპოქა, რომლის მავის-ცემამაც ჯეროვანი ასახვა პოვა გაზეთ „კოლხეთის“ ფურცლებზე.

ათწლეულების მანძილზე გაზეთი „კოლხეთი“ სენაკის ყველა ოჯახში სასურველი სტუმარი იყო. ნომრიდან ნომრამდე იგი აცნობდა თავის მკითხველებს ქვეყნისა და ქალაქის ახალ ამბებს, ნიჭი-

ერი, შრომისმოყვარე სენაკის მკვიდრთა წარმატებებსა და პრობლემებს, კულტურის და სპორტის სიახლეებს, ყველაფერს, რაც ალღევდა, აფიქრებდა ან ახარებდა მკითხველს, რაც უკეთესი მომავლის იმედს უღვივებდა მათ, მოუთხოვდა ყველაფერზე, რამაც შექმნა მთელი ეპოქა, რამაც მოიტანა ჩვენი საყვარელი ქალაქისა და გაზეთის დღევანდელი დღე...

და აი, ამ დღეებში გაზეთი „კოლხეთი“ დაარსებიდან ასი წლისთავს აღნიშნავს. იგი სენაკელთა, ქალაქის მესვეურთა და მოწვეულ სტუმრებთან ერთად კიდევ ერთხელ მოეფერება თავის ერთგულ მკითხველს, მოუყვება განვლილი „დედბული საუკუნის“ ქარტახილებზე, ავსა და კარგზე... მერე კი მუხლს გამართავს და განაგრძობს სვლას მეორე ასწლეულის დასაღამებლად, როგორც ადრე, ყოველ დილით სიხარულსა და ცინცხალ ამ-

ბებს შეიტანს ყველა მკითხველის ოჯახში. კვლავაც შემართებით განაგრძობს სვლას თავისი ერთგული მკითხველის გულუბისაკენ..

კიდევ ერთხელ უდიდესი სიყვარულითა და უღრმესი პატივისცემით ვულოცავთ გაზეთ „კოლხეთის“ ნიჭიერ კოლექტივს, ჩვენს კოპნია ქალაქს და მის ყოველ მკვიდრს ამ დღეებულ თარიღს და ვუსურვებთ, რომ ეს პატარა, მაგრამ ბევრის დამტევი გაზეთი მუდამ წარმატების, გამარჯვებებისა და სასიხარულო ამბების მაცნე ყოფილიყოს. მრავალჟამიერ!

მირა ნინუაშვილი, ჟურნალისტი, სულე სივნიშვილი, ჟურნალისტი, გაზეთის „ალია საქართველოდან“ რედაქტორი, ორენოვანი ჟურნალების „ამდოდის მოამბისა“ და „ამდოდელების“ მთავარი რედაქტორი

ეპოქის სარკე და სახე

გულმხურვალედ ვულოცავ გაზეთ „კოლხეთს“ დაარსებიდან 100 წლის იუბილეს. საუკუნოვანი გზა ურთულესი დროის დიდი მატინის შემკრებისთვის, უმნიშვნელოვანესი მოვლენაა.

როდესაც ასწლეულს წვდები მხოლოდ ერთ რამეზე ფიქრობ - საერთოდ არ აქვს მნიშვნელობა, რა ფორმაციაში უნდა გაზეთს გამოსვლა, მთავარი მაინც იმ დროის სულის ასახვაა. „კოლხეთი“ უპირველესად ეპოქის სარკე და სახეა, ჩვენი ქალაქის ნამდვილი მემატიანე. სწორედ ამ გაზეთის ფურცლებმა შემოგვინახა ქალაქის ყოველდღიური მავისცემა, ეკონომიკის, კულტურისა და განათლების სიახლეები, უამრავი ისტორიული კადრი და ამბავი.

ამ ყველაფრის საფუძველია გაზეთის სათავეებთან მდგომი და შემდგომ ათწლეულების მანძილზე მოღვაწე ადამიანების უდიდესი ძალისხმევა. ჟურნალის-

ტა ნიჭიერი თაობების წარმატებული საქმიანობით „კოლხეთმა“ მოიპოვა ხალხის სიყვარული და გახდა მათი სიხარულის თუ ტკივილის განზიარებელი. შემთხვევითი არ იყო, რომ ყველა სენაკელის ოჯახში მოუთმენლად ელოდნენ „კოლხეთის“ ახალი ნომრის გამოსვლას, როგორც საზოგადოებრივ მავისცემაზე მუდამ ერთგულად მიყურადებულ სიახლეების მაცნეს.

სამაყყო, რომ გაზეთის პროფესიონალი ჟურნალისტები დღესაც აგრძელებენ ტრადიციას და დიდი სიყვარულით აშუქებენ სენაკის ცხოვრებას.

ჩემი „კოლხეთისადმი“ სიყვარული განსაკუთრებულია, რადგან ჯერ კიდევ სკოლის ასაკში გამოვაქვეყნე მის ფურცლებზე პირველი ლექსი. დღესაც მომყვება იმ საოცარი სიხარულის განცდა. მას მოჰყვა პროფესიული სამედიცინო საქმიანობით მადლიერი პაციენტების ნერილებით გამოხატული სიყვარული.

ჩემს ბიბლიოთეკაში დრომ შემოინახა „კოლხეთის“ არაერთი ნომერი, რომელთა გაყვითლებული ფურცლები შემოდგომის ფოთლებივით მახსენებენ ლამაზი დღეების მოგონებებს წარსულიდან.

ვულოცავ გაზეთ „კოლხეთის“ რედაქციას და ყველა სენაკელს ამ შესანიშნავ თარიღს, ვუსურვებ წარმატებულ მოღვაწეობას და ერთგულ მკითხველთა სიმრავლეს!

თქვენ წერდით და კიდევ არაერთხელ დანერტ ჩვენი ულაძახესი ქალაქის პირუთენელ ისტორიას!

თინათინ ვერულავა,
მედიცინის დოქტორი, კავკასიის უნივერსიტეტის პროფესორი, მელბურნის ლატრობეს უნივერსიტეტის საპატიო პროფესორი, საერთაშორისო რეფერირებადი ჟურნალის „ჯანდაცვის პოლიტიკის, ეკონომიკის და სოციალური გისი“ მთავარი რედაქტორი

100 წლის, მაგრამ მარად ახალგაზრდა იუბილარი

გასული საუკუნის 70-იან წლებში, როგორც ჟურნალისტმა, სენაკის რაიონულ გაზეთ „კოლხეთში“ ავიდგი ფეხი, ამიტომ ჩემთვის ორმაგად ძვირფასია ეს გაზეთი და მისი რედაქცია, რომელიც მუდამ ხალხის სამსახურში დგას.

ნახევარ საუკუნეზე მეტი გავიდა, მაგრამ გუშინდელივით მასსოვს პირველი ლექსისა თუ პუბლიცისტური ნერილის დაბეჭდვით გამოწვეული სიხარული. სათუთად ვინახავ ჩემი პირველი ჟურნალისტური ნაბიჯების ამსახველ გაზეთის ფურცლებს. ყოველთვის მემასსოვრება „კოლხეთის“ მაშინდელი რედაქტორების - ბორის შენგელიას და რევაზ ჯანჯღავას, რედაქტორის მოადგილე გალაქტიონ რობაქიძის, პასუხისმგებელი მდივნის - ილო ნირღვავას, გაზეთის თანამშრომლების - სოლომონ კუჭავას, გოგოლა მზარელუას, ექვთიმე გუგუზავას და სხვათა გულთბილი დამოკიდებულება. ან იმის დავინყება როგორ შემიძლია, გასული საუკუნის 70-იანი წლების დასაწყისში, როცა სამხედრო სამსახურს გავდიოდი, გა-

მამხნეველ ნერილებსა და გაზეთის ახალ-ახალ ნომრებს რომ მიგზავნიდნენ უკრაინაში. ეს ჩემთვის უდიდესი მხარდაჭერა და ბედნიერება იყო. ორმხრივი ურთიერთობის ტრადიცია დღესაც გრძელდება.

ამაყი ვარ იმით, რომ საუკუნის თანატოლი ჩვენი გაზეთი, როგორც უწინ, ახლაც ჭაბუკური შემართებით ემსახურება სიმართლეს; ჭირსა და ლხინშიც ხალხის გვერდით დგას. ამიტომაც ინარჩუნებს მკითხველთა შეუწყვეტელ სიყვარულს - მოუთმენლად ელიან მის ახალ ნომრებს.

რეგიონულ პრესას, როგორც სამამულო ჟურნალისტის ფენომენს, საყურადღებო პუბლიკაციებით ყოველთვის ეკავა ამ სფეროს ისტორიაში საპატიო ადგილი, რადგან მუნიციპალური გაზეთი ყველაზე მეტად გრძნობს მოსახლეობის მავისცემას. ამის ნათელი მაგალითია ჩვენი იუბილარი, რომელიც 100 წლის განმავლობაში პროპაგანდისტულ საქმიანობასთან ერთად ადგილობრივ მკითხველს მუნიციპალიტეტის ყოველდღიური ცხოვრების ამბებს აცნობდა და აცნობს - „კოლ-

ხეთი“ სენაკის (და არა მარტო) ისტორიული მესხიერების ბარათია.

მიხარია გაზეთის დღევანდელი წარმატებები, რაც წინა თაობების ტრადიციების ღირსეული გამგრძელებლების - ამჟამინდელი უარესად ნიჭიერი შემოქმედი ადამიანების დამსახურებაა, რომლებიც რუდუნებით აკეთებენ ეროვნულ საქმეს - მშობლიურ კუთხეს, სენაკის მუნიციპალიტეტს, მატინეს უქმნიან!

საუკუნოვანი იუბილეს გილოცავთ, ძვირფასო კოლხეთელებო! შემოქმედებით წარმატებებს გისურვებთ ან და მარადის!

პატივისცემით და სიყვარულით ვაჟა დანელია,
სენაკის საპატიო მოქალაქე, სოციალურ მეცნიერებათა დოქტორი, პროფესორი, განათლების მეცნიერებათა აკადემიის წევრი, საქართველოს დამსახურებული ჟურნალისტი, სპორტის დამსახურებული მოღვაწე



მახვინიდან მახცხნივ: სოლომონ ჯუჭავა, მოჰოდი აბშიცავა, ალექო შენგელია, ჯემო ხოფეჩია, ბაძე ქავთახაძე, ილო ნირღვავა, ღონგი ნანიშვილი, ეჩი თათაიშვილი

ნატურფალი

საიუბილეო ნომრის თემად შეგნებულად შევარჩიეთ ძველი სენაკი – მისი აწმყო და წარსული. ამ მართლაც უნიკალურ, საამაყო ისტორიას გავითი როდის უნდა მიუბრუნდეს თუ არა საიუბილეო დღეებში. მით უფრო, თუ ორივე სუბიექტი (გაზეთიც და ძვ. სენაკიც) საუკუნის იქეთა მხრიდან გვაწვდიდნენ მზერას და თავიანთი განვლილი გზიდან მნიშვნელოვანი ნიშანსვეტების მომავალი თაობებისთვის შენახვა-გაცნობას უსიტყვოდ გვთხოვენ. ძველი სენაკის აწმყოზე „კოლხეთის“ წინა ნომრებში ვისაუბრეთ, ახლა წარსულს მივუბრუნდეთ.

დგას მეციხოვნედ მარადისობის



ძვ სენაკის სკოლის ჰიხვილი ნაგებობა (ამ სკოლის უკიდურეს ენახებოდნენ ა. ნეხეთელი, ე. ყიფიანი და სხვები)

1830 წელს დაარსებული მარტვილის სასულიერო სასწავლებელი მე-19 საუკუნის სამეგრელოში ერთადერთი ოფიციალური სკოლაა. შემდეგ, საუკუნის მიწურულს, ერთკლასიანი რუსული სასწავლებლებიც ჩნდება. ასე, 1874 წელს ძველ სენაკში გაიხსნა ერთკლასიანი – ე.წ. სამინისტრო სკოლა რუსულ ენაზე. „იმ დროს სამეგრე-



სკოლის მასწავლებლები და მოსწავლეები. 1897 წ.

ლოში არც ერთი ქართული სასწავლებელი არ არსებობდა. საჭიროება კი დიდი იყო. იგი ქართული კულტურის პროპაგანდისტი უნდა გამხდარიყო სამეგრელოში. სწორედ ამ მოტივით ხელმძღვანელობდა ქართველთა შორის წერა-კითხვის გამავრცელებელი საზოგადოების გამგეობა, როცა გადაწყვიტა და კავკასიის სასწავლო ოლქის მზრუნველისაგან მიიღო ნებართვა ძველ სენაკში გაეხსნა მესამე თანრიგის სასწავლებელი. გადაწყდა ქუთაისის სააზნაურო სკოლის ერთი მოსამზადებელი განყოფილება გადაეტანათ ძველ სენაკში, დაემატებინათ მეორე და ჯერ ორგანიზაციებიანი, ხოლო შემდეგ ოთხგანყოფილებიანი დაწყებითი სკოლა გაეხსნათ. ეს საკითხი პრაქტიკულად 1884 წელს გადაწყდა“ (ი. მიქაძე, ვ.გაგუა-„ძველი სენაკის საშუალო სკოლა“).



მეოხედ აგებული სკოლის ძველი უკიდურესი

მოგვიანებით შალვა დადიანი სკოლის გახსნის შესახებ წერდა: „...სასწავლებელი დიდის ამბით გაიხსნა წერა-კითხვის საზოგადოების მეთაურობით და რომლის გახსნასაც დაესწრო არამცთუ მაშინდელი სამეგრელოს მონინავე საზოგადოება, არამედ თბილისიდან ჩამოსული ისეთი თვალსაჩინო საზოგადო მოღვაწეები, როგორებიც იყვნენ დიმიტრი ყიფიანი, ივანე მაჩაბელი, აკაკი წერეთელი და სხვები. ყველა

ამათ გარემოების შესაფერი სიტყვები წარმოთქვეს თურმე...

ასე რომ, მაშინ ასეთი სკოლის დაარსება სამეგრელოში დიდ ეროვნულ გამოფხიზლებას უდრიდა და აკი ცოტაოდენად თავმოღერილ მეგრელს, ესმოდა თუ არ ესმოდა მნიშვნელობა ამ გარემოებისა, თავი მოსწონდა და საზოგადოებაში ტრიახობდა კიდევ“.

სკოლამ ფასდაუდებელი სამსახური გაუწია მხარის ახალგაზრდობის სწავლებისა და აღზრდის საქმეს. პირველსავე წელს სწავლის მსურველთა რაოდენობა მისაღებს ბევრად აღემატებოდა. თურმე ერთ წელიწადში ცხრა ოთახიანი, ერთ სართულიანი, ნაგებობა აუშენებიათ, 4 ოთახი კლასისთვის, ერთი ბიბლიოთეკისთვის, ერთი სააქტო დარბაზისთვის და 3 მასწავლებელთა საცხოვრისისთვის იყო განკუთვნილი.

90-იან წლებში სკოლაში აგრონომიული მიმართულებაც შემოუღიათ, ამასთან დაკავშირებით დამხმარე ნაგებობა მიუშენებიათ სკოლისთვის, სადაც ასწავლიდნენ სოფლის მეურნეობის დარგებს, როგორცაა: მეაბრეშუმეობა, მებაღეობა, მევენახეობა. სკოლას ჰქონდა ვაზის, ხეხილის, სანერგე ნაკვეთები, ჰყოლიათ ფუტკარი.

სკოლის საუკეთესო ბიბლიოთეკის წიგნად ფონდს წერა-კითხვის საზოგადოება ავსებდა, ასევე სკოლა თავად ყიდულობდა საჭირო ლიტერატურას მშობლების მიერ შეგროვილი თანხით.

1910 წელს ჯერ სკოლის ხის, მეორე წელს კი ქვიტკირის ნაგებობა ხანძრის შედეგად განადგურებულია. მაგრამ ხანძრის გაჩენიდან ერთ წელიწადში ისევ აღუმართავთ სკოლის ახალი შენობა ადგილობ-



ვაჩრამ თორუჟიჩა

რივებს. 1919 წელს სააზნაურო და სამინისტრო სკოლები გაერთიანდა, მივიღეთ სასოფლო-სამეურნეო სასწავლებელი. იგი ჯერ, 1929 წელს, კოლმეურნე ახალგაზრდობის, ხოლო 1933 წელს საშუალო სკოლად გადაკეთდა. ძველი სენაკის სკოლაში (გამგეობად თუ მასწავლებლად) მოღვაწეობდნენ ისეთი სახლევანთქმული ადამიანები, როგორებიც იყვნენ: ს. ყიფიანი, ნ. ჯანაშია, დ. ოყერშიძე, ი. ნიკოლაიშვილი, ი. გომელაური, გ. ბოკერია, ა. შუბლაძე, და ა.შ. თითოეული მათგანი გარდა იმისა რომ მასწავლებლის შრომატევადი საქმით იყვნენ დატვირთული, ენეოდნენ შემოქმე-

დებით, გნებავთ სამეცნიერო საქმიანობებსაც. ისინი ხშირად ბეჭდავდნენ თავიანთ შრომებს, წერილებს, თარგმანებს, მოთხრობებს... „ივერიაში“, „მოამბეში“ სხვადასხვა ფსევდონიმებით, ადგენდნენ სახელმძღვანელოებს, ასეთ პედაგოგთა ხელში დაფრთხილებული შეგირდები მომავალში მწვერვლებს დაიპყრობენ, სკოლის საამაყოდ უნდა ითქვას, რომ მის კურსდამთავრებულთაგან ხუთი აკადემიკოსი გახდა: კონსტანტინე გამსახურდია, ვარლამ თოფურია, სიმონ ჯანაშია, არნოლდ ჩიქობავა და პეტრე ქავთარაძე, სკოლას ასევე უამრავი უმაღლეს დამთავრებული, პროფესორი და წარჩინებული ადამიანი ჰყავს აღზრდილი.

როგორც წინა ნომერში ვწერდით, სკოლის ახალი კორპუსში სარემონტო სამუშაოები მიმდინარეობს, როცა დასრულდება და კეთილმოეწყობა თავისი ინფრასტრუქტურით ერთ-ერთი საუკეთესო, საგანმანათლებლო პროცესს მორგებული, სკოლა იქნება. ძველი კორპუსის ისტორიული ფლიგელი კი? დაღვრემილი, წლებით მხრებდამძიმებული, თავის დღეთ ყოფაზე დაფიქრებული მზერას გვარიდებს. თითქო გვეუბნება ჩემსას ვერ გაიგებთ, ჩვენს შორის ხომ 139 წელი დევსო.

უნდა აღინიშნოს, რომ სამეგრელოში მოგზაურობის დროს სწორედ ამ სკოლას ილია სტუმრობდა.

სკოლის კურსდამთავრებულ აკადემიკოსთა შორის, დიდი ენათმეცნიერი არნოლდ ჩიქობავა ადგილობრივია. საჩიქობაოში დაბადებული და გაზრდილი, მისი ნატურფალი ისე როგორც სხვების, აქ ყველგანაა, ნაფეხურებზე არ ვამბობ, სულის ნატურფალს ვგულისხმობ.

არნოლდ ჩიქობავას სახლმუზეუმში მისი და ოჯახის წევრების ნაქონი, სიძველით დალდასმული ნივთები მოგიყვებიან სასწაულ ამბებს „ძველი დიდების“.



სიმონ ჯანაშია


სოფლის თავკაცმა, სკოლის დირექტორმა, დაინტერესებულმა პირებმა გვითხრეს: მიმდინარეობს მუშაობა იმაზე, რომ შესაძლებელი გახდეს აღნიშნული ნაგებობის აღდგენა. მიგვაჩნია, რომ ამ შენობის განხილვა-კეთილმოწყობა, გნებავთ შესაბამისი სტატუსის მინიჭება, აქ დაცული ექსპონატებისათვის საჭირო გარემოს შექმნა ისეთივე საშვილოშვილო საქმეა, როგორც თავის დროზე აღნიშნული სკოლის შექმნა. წერა-კითხვის გამავრცელებელი საზოგადოების მიერ რუდუნებით გახსნილი ეს ნაგებობა უნდა იყოს სავიზიტო ბარათი მუნიციპალიტეტის სერცემი.



ახილდ ჩიქობავა



პეტრე ქავთარაძე



კონსტანტინე გამსახურდია


გარდა იმისა, რომ ძველი დიდების მემატინა, ჩვენი არსებობის არსია, გამართლებაა, გაგრძელებაა, იმდენად, რამდენადაც ის ისტორიული მესხიერების ბაზა თანამედროვეობასთან, ჩემში შენში, თქვენში დალექილი წარსულია ანმყოში გადმოსული, ჩვენს სულში მარადისობის მეციხოვნეა, ჩვენი კუთხის (არა მხოლოდ) სანიშნო ნიშანსვეტია .. ბოლოს და ბოლოს ჩვენი ბრძენი წინაპრების მიერ თაობებისთვის ბოძებული განათლების კერაა. ნონა სარტანი, მანა გეგბაია, მარიკა მიძაბარიძე

ქ ვ ა რ ე ბ ა დ ა დ ე ბ უ ლ ი მ ა დ ლ ი

პირველი ქართული უნივერსიტეტის დაარსება დიდი ისტორიული, ეროვნული, გნებავთ სახელმწიფოებრივი მნიშვნელობის მოვლენა იყო. მოგესხენებათ საქართველოს დამოუკიდებლო-

ამ კუთხით ივანე ჯავახიშვილისა და მისი თანამოაზრეთა დაუღალავი ღწვა როგორც იქნა წარმატებით დაგვირგვინდა. 1917 წ. დეკემბერში ამიერკავკასიის კომისარიატმა ქართული უნივერსიტეტის გახსნის თხოვნა დააკამყოფილა.


უნივერსიტეტისთვის შემწეობის აღმოჩენი ამ ადამიანებიდან ოლლა ხოფერია ყოფილა წერა-კითხვის გამავრცელებელი საზოგადოების სენაკის განყოფილების გამგეობის თავმჯდომარე, ხოლო შხეფელ ივლიანე ხოფერიას, ხარკოვის უნივერსიტეტის სამედიცინო ფაკულტეტის კურსდამთავრებულს ბერლინში აუმაღლებია კვალიფიკაცია, შემდეგ ქუთაისში ჩამოსულა და აქ თავისი პროფილით სხვადასხვა პოზიციებზე უმოღვანია. წერა-კითხვის გამავრცელებელი საზოგადოების სენაკის განყოფილების წევრი აქ-



„შენობა იყო, სრულად ცარიელი და ... ავეჯი არ გვექონდა, განათებაც არ იყო, არც გათბობა, მუშაობა უნდა დაგვეწყო იანვარში, ფული იყო საჭირო. ის ფული არც გვექონდა, ძლივს ყოფინდა იმ ავეჯსა და გათბობას, რაც აუცილებელი იყო... საქმე უნდა ჩაშლილიყო, მაშინ პატარა ჯგუფმა სთხოვა გამგეობას: თუ თქვენ ვერ კისრულობთ პასუხისმგებლობას ნუ დაუშლით იმ ხალხს, რომელსაც უნდა თავისი პასუხისმგებლობით გახ-

ბის გაუქმების შემდეგ ჩვენი ქვეყანა ფაქტიურად მეფის რუსეთის კოლონია გახდა. ქართული ენა რუსულმა ჩაანაცვალა, დანებებით თუ საშუალო დონის სასწავლებლებში სწავლება რუსუ-

სნას უნივერსიტეტი, ის კისრულობს პასუხისმგებლობასო. ეს თანხმობა მიღებული იყო და ამგვარად გაიხსნა უნივერსიტეტი” – იხსენებს ივანე ჯავახიშვილი.




აქედან ნათლად ჩანს, რომ დადგარეალური საქმის კეთების ფაში, სადაც უამრავი დაბრკოლება იყო გადასალახი – ფინანსური, ტექნიკური, სამეცნიერო, საკადრო, ყოფითი, ათასი წვრილმანი და მსხვილმანი ასპექტები გასათვა-

ტიური საზოგადოებრივი მოღვაწეობით რჩეულა, პროფესორ ვ. სნეგირიოვის მოწაფე სენაკში სამაზრო საავადმყოფოს გახსნის ინიციატორი და დამფუძნებელია.

ლად მიმდინარეობდა. წარმოება-დანესებულებებში საქმის წარმოება ასევე უცხო ენაზე იყო. მაშინდელი ქართული საზოგადოების სამეტყველო ენაც რუსული გამხდარიყო... ეს იყო ფაში, როცა „არსაიდან ხმა, არსით ძახილი“ ისმოდა. ქართული თვითმყოფადობა, ეროვნული ინტერესები საფრთხის წინაშე აღმოჩნდა, ეროვნული სულის ცალკეული „აფეთქებები“ სინამდვილეს ვერ ცვლიდა.

ამ საქმეში ივანე ჯავახიშვილსა და მის გუნდს საქართველოს ყოველ კუთხეში გამოუჩნდა თანამგრძობნი. ვისაც რისი საშუალება, შეძლება ჰქონდა იმით ეხმარებოდა ამ საშვილიშვილო საქმის მესვეურთ. ამ ადამიანების ღვანლს აღნიშნული კუთხით ფართო საზოგადოება კარგად არ იცნობს, არადა მათი ღვანლი უფრო დასაფასებელია, რადგან ისინი მოქმედებდნენ არა სხვისი მითითებით, დავალებით, არამედ საკუთარი სურვილით, რადგან შეგნებული ჰქონდათ ერისთვის თუ რა მნიშვნელობა ჰქონდა ქართული უნივერსიტეტის არსებობას.



ასე დაფუძნებულმა ქართულმა უნივერსიტეტმა ერის ინტელექტუალურ ზნეობრივ, კულტურულ... მთლიანად საგანმანათლებლო ცნობიერების ამაღლება განმტკიცებაში ფასდაუდებელი წვლილი შეიტანა. ამ საქმეში მრავალთა ისეთი „პატარა-პატარა“ სიკეთეები ურევია, რომელსაც ხალხური სიბრძნე ასე ხსნის: „კარგი ქენი ქვაზე დადე, გაიარე წინ დაგხვდება“

დანარჩენი ბარათების ავტორთა ვინაობა ვერ დავაზუსტეთ, თუ თქვენ იცით მათზე, მოგწერეთ და ჩვენ საზოგადოებას გავაცნობთ მათ ისტორიას. შთამომავლობამ უნდა იცოდეს ასეთ ადამიანებზე.

დღეს გვიჩნდა საუკუნის წინანდელი მათი ქველმოქმედების რამდენიმე მაგალითი სამზეოზე გამოვიტანოთ. გაგაცნობთ ჩვენი კუთხის (მაშინდელი სენაკის მაზრის) პროგრესულად მოაზროვნე და მოღვაწე პიროვნებების წერილებს, დაცულს ეროვნული არქივის ფონდებში.

ბაჩანა სართანია

გაზეთი, რომელიც უყვართ, ელოდებიან...

შეიძლება ყველა შენი ოცნება ახდეს, თუ თავიდანვე განსაზღვრავ რა გინდა. პატარა ასაკში, როგორც ყველა ჩემი თანატოლი, მეც ვწერდი. ჩემს ოცნებებს იმ ნაწერებში ვაშენებდი, ამიტომ ის წლები ცხოვრებად დაემჩნა ჩემს სულს. ერთ დღესაც ჩემი ჩანახატი აჩვენეს ბატონ ვლადიმერ წირღვავას, საოცარ ადამიანსა და დიდებულ პიროვნებას. მეორე დღეს ჩანახატი გაზეთ „კოლხეთის“ ფურცლებზე აღმოჩნდა. ეს ჩემთვის დიდ წარმატებასთან ერთად იყო სტიმულიც, ჩემი ცხოვრების მიზანმიმართულ გზაზე. ამ გაზეთმა რაღაცნაირად თავი მაპოვნინა, მას შემდეგ ამ გაზეთის სულმოუთქმელად ველოდი და არამართო მე, იგი ჩვენი რაიონის მცხოვრებთა უსაყვარლესი გაზეთი იყო, არის და იქნება. რამდენჯერაც მასში ჩემს შესახებ დაინერგებოდა, იმ აბზაცებს, წინადადებებს, სიტყვებს, ასოებს ვესათუებოდი, ეს კი მრავალჯერ იყო, ჩემი სხვადასხვა სამსახურებში მონაცვლეობის გამო(ცენტრალიზებული საბიბლიოთეკო სისტემა, განათლების განყოფილება, უშარტავას სახელობის მეორე საჯარო სკოლა).

100 წელი ანებივრავ ამ შუქურამ რაიონი, უამრავ თემას აშუქებდა, სულ მცირედი მიღწევაც არ რჩებოდა უყურადღებოდ, ისტორიითა და კულტურული ტრადიციებით მდიდარი კუთხის მაცხოვრებელს ამცნობდა მცხოვრებთ. ეს იმ ადამიანთა წყალობით იყო, ვინც წლების მანძილზე გაზეთ კოლხეთის რედაქციას წარმოადგენდა. მეამაყება, რომ მათ გზას დღეს ღირსეულად, რუდუნებით აგრძელებს დღევანდელი შემოქმედებითი ჯგუფი.

ეს გაზეთი ყველა სენაკელის (იქ მცხოვრები თუ იქიდან წამოსულთა) უსაყვარლესი გაზეთია. ასე მინდა გაგრძელდეს უამრავი წელი.

ვილოცავთ, ამ დიდებულ და საამაყო თარიღს ყველას, განსაკუთრებით რაიონის ხელმძღვანელობას, გაზეთის თანამშრომლებს. „კოლხეთი“ სამარადჟამოდ ყოფილიყოს ჟამთააღმწერელი და მაცნე ჩვენი საყვარელი ქალაქის წინსვლის, წარმატებებისა და მიღწევების.

მანანა ცომაია,
მასწავლებელთა პროფესიული
განვითარების ეროვნული
ცენტრის კონსულტანტი-მასწავლებელი, მენტორი

სათუთად ვინახავ

დაარსებიდან 100 წელი – მართლაც, ღირსშესანიშნავი თარიღია. საუკუნოვანი მედია-საშუალებას ვულოცავ იუბილეს! ასეთი ხანგრძლივი ისტორიის მქონე გაზეთი ვერ შეძლებდა არსებობას, რომ არა პროფესიონალთა გუნდის დიდი შრომა.

გულწრფელობა მინდა გამოვხატო იმ ადამიანების მიმართ, რომლებიც იმსახურებენ მკითხველის განსაკუთრებულ პატივისცემას, მოღვაწეობის არც თუ მარტივ გზაზე.

მადლობა მინდა გადავუხადო გაზეთის სარედაქციო კოლექტივს წლების მანძილზე ქ. სენაკის საზოგადოების, ერის და საქართველოს წინაშე განუვლი კეთილშობილური საქმის კეთებისთვის, რის გამოც, თაობათა ცვლილებების მიუხედავად, ერთი რამ რჩებოდა უცვლელი - მკითხველის სიყვარული.

ჩემთვის, ბავშვობის წლებიდან მოყოლებული, „კოლხეთი“ მუდმივად იყო რა-

იონის ცხოვრების მემკვიდრე და მოსახლეობის ინფორმაციის წყარო. დარწმუნებული ვარ, გაზეთის არქივი ინახავს უმდიდრეს საინფორმაციო და ფოტო მასალას. ჩემს არქივში კი შემონახული მაქვს 70-80-იანი წლებიდან მოყოლებული დღემდე გამოსული, ზოგიერთი უკვე გაყვითლებული რამდენიმე ნომერი, რომლებსაც სათუთად ვინახავ, რადგან ჩემი და ჩემი ოჯახის წევრების შესახებ უამრავ მასალას შეიცავს.

გაზეთ „კოლხეთს“ ვუსურვებ წარმატებებს, მუდმივ სიახლევებს და ერთგული მკითხველის სიმრავლეს. დიდხანს და განუხრებლად დგომას სიმართლის სადარჯჯოზე!

პატივისცემით
მარინა ბელანტინა,
ს.ს. ჩაჩავას კლინიკის
გენერალური დირექტორი,
სენაკის საპატიო მოქალაქე

გაზეთი „კოლხეთი“ ასი წლის გამხდარა

ღროს მარადიულ დინებას მიჰყვება ჩვენი მეგობარი – სულ-გონებით, აზროვნებითა და ზნეობით საყვარელი გაზეთი „კოლხეთი“ და ასე წელი შესრულებია ამ საოცარ იუბილარს, უდიდეს-უძველესი სახელმწიფოს სახელს რომ ატარებს. ჩვენი თამამი, ჭეშმარიტების მქადაგებელი, პრესა უტყუარ-მიმომხილველი, სიკეთის, სიყვარულის, ურთიერთმეგობრობის, სათნოების, ზოგჯერ მართლმადიდებლურ სევდასაც რომ გვამცნობს და სამშობლოს ნათელი პატრიოტიზმის მქადაგებელი მეხოტბე-შთამაგონებელია. ხიბლი – გაზეთი „კოლხეთი“ ჩვენი ქალაქის, თავისი რამდენიმე კეთილშობილი და მიმზიდველი ისტორიის მქონე სოფლის სულიერი საზრდოთი მკვებავი, საღი აზროვნება და გონებაა. მის დიდებულ გვერდებზე გაჟღერდება ხოლმე ფრიად საგულისხმო და ჩამაფიქრებელი წერილები, მოგონებები, დარიგებები მედიცინის, ხელოვნების, სოფლის მეურნეობის ამოუწურავ საკითხებზე, მილოცვები, საუბარი მრავალ თანამედროვე წარმატებულთა მიღწევებზე; ზოგჯერ ამღერდება ხოლმე ხელოვნება, პროზა, პოეზია, ფერწერა, მუსიკა ქანდაკება-არქიტექტურით, ხშირად გაივლებენ სენაკის დრამატული თეატრის რეჟისორების, მხატვრების, მსახიობების ნიჭიერი მიღწევები; აქვე შემოდის გაზეთის საუფლოში როგორც კლასიკური, საესტრადო მომღერლების, ასევე ხალხურ შემოქმედთა მშობლიური ხმა, ულამაზესი ქართული ცეკვებით. მათ დიდებულ მიღწევებზე უშურველია ჩვენი ქართული რაინდული თვისების გაზეთი. ასევე ფრიად საგულისხმოა დიდებული წერილები, დარიგებები, მილოცვები, საუბარი ნებისმიერ პროფესიაზე, წარმატებულთა მიღწევებზე. თავისებურად მის გვერდებზე ამღერდება ხელოვნება ახალგაზრდების, მომავალი თაობის წარმატებები. დიას! მეგობრებო, ჩვენი ოჯახური სიტბო გაზეთი „კოლხეთი“ თემატურად ვრცელდ და უზარმაზარი ტევადობისაა როგორც ფსიქოლოგიურად, ასევე ზნეობრივად და ზოგჯერ სამართლიანი კრიტიკის სფეროსაც არ ღალატობს. ასე რომ, გაზეთი „კოლხეთი“ ქალაქ სენაკის, მისი უმშვენიერესი საამაყო სოფლების საღი გონება, ქართული აზროვნება, წმინდა ზნეობა და ღრმა ადამიანური ფიქრებია.

ვულოცავ ჩვენს და ყოველი თქვენგანის საყვარელ და მეგობარ გაზეთ „კოლხეთს“ საუკუნის კეთილად შესრულებას, მის საყვარელ თანამშრომლებს, ღირსეულ ჟურნალისტებს მთავარი რედაქტორის, ქალბატონ ნინო სართანიას პატრონობით. ჩვენმა ნინომ უკვე დიდი ხნია, გაზეთს შემატა სათნოება, გონიერება, წინდახედულობა და წმიდა ქართული სიყვარული.

გაზეთი „კოლხეთი“ მრავალმხრივ ამართლებს ისტორიული უძველესი კოლხეთის სახელს, რომელიც კაცობრიობის ცივილიზაცია-კულტურის თავ-წყაროა (უცხოელ მეცნიერთა აღიარებაა, როგორც უძველესთა, ასევე თანამედროვეთა). დღეს ყოველმა მეცნიერ-სწავლულმა უნდა გამოიძიოს, აღიაროს და ამხილოს ყოველგვარი ადამიანური სისუსტიდან გამომდინარე, ძველი კოლხეთისა და ბერძნის ისტორიული დიდება, განსაკუთრებით ოკუპირებული საქართველოს მსოფლიოს წინაშე წარდგენისთვის. ისედაც როგორი ასატანია უძველესი კოლხეთის ცივილიზაცია-კულტურის ნიშან-ექსპონატები, მინისა და წყლის ქვეშ რომაა მოქცეული და ნადგურდება. მცირედ იმედად დაგვრჩენია სამყაროს უსასრულო სივრცის უხილავი მეხსიერება, სამუდამოდ რომ ინახავს უძველესი კოლხეთის დაახლოებით რვა ათასწლოვან ისტორიას, რომელიც სრულიად საქართველოს მარადიული დიდება და სიამაყეა.

აი და, ჩვენი გაზეთი ამ უზარმაზარი ისტორიის მქონე ქვეყნის სენიანა, მუდმივი სხენება კოლხეთისა და მისი ყოველი საოცარ-მნიშვნელოვანის მატარებელ-შემნახველია, როგორც კოლხი მედვას სახელს ატარებს მარადიულად კაცობრიობის ჯანმრთელობის დაცვის მეცნიერულ-შეგონებით სივრცე. აქვე მოვისხენით კოლხეთის უპირველესი კულტურა რკინის მოპოვებისა, ღვინო, რელიგია და ხელოვნება. ნუ გვეშინია სიმართლის, ასე იყო და მომავალში უფრო დამტკიცდება, კაცობრიობის გენიის მეცნიერულ ანალიზს ვერაფერი ვერ შეარყევს

მთელი სისავსით ვლოცავ გაზეთ „კოლხეთს“, ასევე უწყვეტ-მარადიულად ემსახუროს კოლხურ-ბერძნულ-ქართული აზროვნება სიტყვიერებისთვის და ამინ, ჩვენთან იყოს უფალ-კოსმოსი!

რეზო ადამია,
მწერალ-მხატვარი

საუკუნოვანი ისტორიით

დიდი სიხარულითა და პატივისცემით ვულოცავ გაზეთ „კოლხეთს“ და მის კოლექტივს 100 წლის იუბილეს. როგორც ყოფილ თანამშრომელს, ჩემი ოჯახის წევრებთან – გაზეთ კოლხეთის სოფლის მეურნეობის და მშრომელთა წერილების განყოფილების გამგესთან ლამარა გადელიასთან და შტატგარეშე კორესპონდენტთან, ლელა გოგინავასთან ერთად, გვექონდა პატივი, ვყოფილიყავით ამ გაზეთის ნაწილი და ჩვენი წვლილი შეგვეტანა მის განვითარებაში.

წლების მანძილზე ბეჭდურმა ინდუსტრიამ მრავალი ცვლილება განიცადა, მაგრამ გაზეთი „კოლხეთი“ თავისი მკითხველისთვის დარჩა ახალი ამბებისა და ინფორმაციის მიწოდების სანდო წყაროდ. ძალიან დასაფასებელი და შთამაგონებელია მომავალი თაობებისთვის თითოეული იმ ადამიანის ღვაწლი, კეთილსინდისიერი სამსახური და ჟურნალისტური ერთგულება, რომლებმაც სირთულეების მიუხედავად, დღემდე საუკუნოვანი ისტორია შექმნეს და ყველაფერი გააკეთეს იმისათვის, რომ ეს ისტორია არ შეწყვეტილიყო. გაზეთ „კოლხეთს“ კარგად ახსოვს მისი არაერთი სახელოვანი რედაქტორის – ვლადიმერ წირღვავას, ბორის შენგელიას, ლუდმილა მონერელიას, მამანტი ქვარცხავას, მოკოდი აბშილავას, რევაზ ჯანჯღავას, თამაზ კანკიას დაუღალავი შრომის კვალი.

გაზეთ „კოლხეთის“ ისტორია იმ ადამიანებმა შექმნეს, რომლებიც სტამბაში ნახშირიანი კლიშეებით ასო-ასო აწყობდნენ გაზეთის და შემდგომ რედაქციის თანამშრომლები ღამეს ათევედენ კორექტირებაში, რომ დილით თავიანთი ერთგული მკითხველისთვის გაზეთის მორიგი, ახალი ნომერი მიეწოდებინათ. ტექნოლოგიები განვითარდა, მაგრამ დარწმუნებული ვარ, დღესაც არანაკლებად მოტივირებულია ის თაობა, რომელიც ყოველი ახალი ნომრის გამოსვლისას სიამაყით ივსება და თვლის, რომ ისიც ამ დიდი ოჯახის ნაწილია.

საუკუნოვანი ისტორია ცოტა ნამდვილად არაა, ამ ისტორიის ღირსეული გაგრძელება შრომასთან ერთად საპასუხისმგებლო საქმეცაა, რომელსაც ამჟამინდელი კოლექტივი, ნინო სართანიას, მედიკო ბალათურას, მაია გერგაიას, ჟულიეტა ჩაჩიბაიას და მარიაკა მიქაბერიძის შემადგენლობით წარმატებით ართმევს თავს. მსურს თითოეულ მათგანს, მივულოცო ეს ღირსშესანიშნავი თარიღი და ვუსურვო განვითარება, ემსახურონ სიმართლეს, შეინარჩუნონ და გაზარდონ ერთგულ მკითხველთა რაოდენობა.

ნორა გადელია,
ყოფილი პედაგოგი,
სენაკის საპატიო მოქალაქე



შეხვედრა შტატგარეშე კორესპონდენტებთან: ბ. შენგელია, ნ.ჯღაჩავა, ხ. ჯანჯღავა, ე. ადამია, ც. გადელია, გ. ხობაქიძე, ო. ცუკუაშვილი, გ. სახითანია, ტ. ჯანდანიძე, ს. ჟუჭავა, გ. მხაჩელია, ნ. ჯაჯაშვილი, ზ. ფაჩელია და სხვები (80-იანი წლები)

მართალი სიტყვის გამო გვიყვარდა და გვიყვარს

100 წლისაა ჩვენი საამაყო გაზეთი „კოლხეთი“. ასი წელია დახვეწილი ფორმით, მხოლოდ მისთვის დამახასიათებელი ხმითა და ტემპრით გვიამბობს სენაკისა და სენაკელების, მთელი რეგიონის სიხარულისა თუ ტკივილის, მარცხისა თუ წარმატებების შესახებ.

მე ის წლებიც მახსოვს, როცა მას „ავანგარდი“ ერქვა, მახსოვს, როგორ გამოიყურებოდა და რატომ უყვარდათ მისი ხმა...

მინდა, შემდგომ თაობებს ვუთხრა: დიხ, გასული საუკუნის „ახალ ეპოქაში“ იშვა „კოლხეთის“ ღირსეული წინამორბედი „ავანგარდი“ და ისევე, როგორც დღევანდელი „კოლხეთი“, ტაქტიანად გვამცნობდა გამეფებული დროის ყოველ ცვლილებას, მიღწეულ წარმატებებსა და ნაკლს.

ჩვენ, სენაკელებს, სწორედ თავისი მართალი სიტყვის გამო გვიყვარდა და გვიყვარს ჩვენი მშობლიური რაიონული გაზეთი. სევედინია თუ სიხარულით სავსეა მისი ფურცლები, მთავარია, რომ ეჭვი არასდროს შეგვიტანია ინფორმაციის ნამდვილობაში.

დღეგრძელობას ვუსურვებ „კოლხეთს“, ყველა დროის კოლხეთელსა და გაზეთის დღევანდელ შემოქმედებით ჯგუფს ამ ბოლოქარ საუკუნეში! გისურვებთ გამძლეობას და სწორი გზებით წინსვლას ტყულისა და სიმართლის ქიდილში!

გილოცავთ!
ნანა შალამაძე, პროზაიკოსი, მთარგმნელი, საქართველოს მწერალთა შემოქმედებითი კავშირის წევრი, ქართულ-ირლანდიური ცენტრის ხელმძღვანელი

„კოლხეთი“ კარგი გაზეთია

გილოცავთ! 100 წელი ცოცხალი არაა. ეს იმას ნიშნავს, რომ საუკუნეა ეს გაზეთი სენაკის მათიანა, სენაკის სახე, სენაკის ისტორია და ამ ხნის განმავლობაში სათუთად ინახავს ამ კუთხის საუკუნის ამსახველ საინფორმაციო მასალებს. ვინც სენაკის ისტორიის დაწერას დააპირებს, უპირველესად ამ გაზეთის ძველ ნომრებში უნდა ჩაიხედოს. მე, როგორც კი ხელთ ჩამივარდება, სიამოვნებით ვკითხულობ ამ გაზეთს და აქედან გამომდინარე ვამბობ: «კოლხეთი» კარგი გაზეთია, რაც იმას ნიშნავს, რომ კოლექტივიც კარგი ჰყავს. ვულოცავ ყველა თანამშრომელს 100 წლის იუბილეს და ვუსურვებ წარმატებებს სენაკისა და მთელი ჩვენი რეგიონის საკეთილდღეოდ. კიდევ უამრავი წელი მოგველოცოს, მეგობრებო!

ფაუსტ ნადარია, გაზეთ «მარტვილის» რედაქტორი

მაცნე უკეთესი მომავლისა

გაზეთი „კოლხეთი“ სენაკის ცოცხალი მათიანაა. მის ფურცლებზე მარცვალ-მარცვალაა აკინძული 1923 წლიდან განვლილი 100 წლის განმავლობაში რაიონის ცხოვრებაში მომხდარი ყოველი ფაქტი, მოვლენა.

„კოლხეთს“ არასოდეს უღალატია თავისი მკითხველისათვის, ამ ტრადიციას იგი დღესაც ღირსეულად აგრძელებს. მოსწავლეობიდანვე აქტიურად ვიყავი ჩართული გაზეთის საქმიანობაში, როგორც ნორჩი კორესპონდენტი. დღემდე მახსოვს პირველი წერილის დაბეჭდვით გამოწვეული აღფრთოვანება და სიხარული. საგაზეთო მასალები და ძველი ნომრები მამის, როგორც გაზეთის კორესპონდენტის, ასევე პირადად ჩემი წერილები და კორესპონდენციები დღესაც შენახული მაქვს სათუთად და დღემდე ვაგრძელებ ამ ტრადიციას, მოუთმენლად ველოდები გაზეთის ახალ ნომრებს.

მეამაყება, რომ საუკუნის თანატოლი ჩვენი გაზეთი, როგორც ყოველთვის, დღესაც ახალგაზრდული შემართებით, მაღალპროფესიულ დონეზე, ობიექტურობითა და მიუკერძოებლობით ემსახურება მართალ სიტყვას, რითაც იმსახურებს საზოგადოების პატივისცემასა და მაღალ ნდობას. ყოველივე ეს სათავეს იღებს წინა თაობის ღვაწლმოსილი და ერუდირებული რედაქტორებისა და ჟურნალისტებისაგან. მინდა უღრმესი პატივისცემით მოვიგონო ისინი, ბატონები: მამანტი ქვარცხავა, მოკოდი აბშილავა, რევაზ ჯანჯღავა, ბორის შენგელია, თამაზ კანკია, ბორის მილუტინი, სოლომონ კუჭავა, გალაქტიონ რობაქიძე, ილო წირღვავა, კარლო

ტაბაღუა, ანდრო ეჯიბია, იონა გვასალია. ქალბატონები: გოგოლა მზარელუა, ლამარა გადელია და იზოლდა ჩვამანია. მაღლიერი ვარ, რომ სასარგებლო-რჩევა დარიგება მიმიღია მათგან.

გაზეთის იუბილეს ვულოცავ გაზეთის ყოფილ პასუხისმგებელ მდივანს. რევაზ გრიგოლაშვილს, ნიჭიერ ჟურნალისტს – ნანა ფაჩულიას. ასევე მაღლიერებს გამოვხატავ „კოლხეთი“-ს დღევანდელი მესვეურების მიმართ, რომლებიც სახელოვნად აგრძელებენ გაზეთის საუკუნოვან, მდიდარ ტრადიციას.

გაზეთისა და საერთოდ ჟურნალისტიკისადმი სიყვარულმა გადაამწყვეტინა დაუფლებოდი ფილოლოგისა და საზოგადოებრივი ჟურნალისტიკის სპეციალისტს. – გაზეთ „კოლხეთში“ გამოქვეყნებული ჩემი წერილებით გამიცნო მაშინდელმა საზოგადოებამ, ადგილობრივმა ხელისუფლებამ, რამაც გარკვეული როლი ითამაშა ჩემს კარიერულ წინსვლაში.

გაზეთში მიღებულ გამოცდილებას ვუმაღლი იმას, რომ სტუდენტობის წლებში და შემდეგ აქტიურად ვთანამშრომლობდი პრესის და მასობრივი ინფორმაციის საშუალებებთან, ვიყავი რესპუბლიკური – ახალგაზრდული გაზეთების კორესპონდენტი, რეგიონალური საინფორმაციო სამსახურის კოორდინატორი.

გაზეთ „კოლხეთსა“ და მის შემოქმედებით ჯგუფს მთელი სულითა და გულით ვულოცავ იუბილეს და ვუსურვებ, რომ მათი თითოეული ნომერი ყოფილიყოს ნათელი მომავლის მაცნე.

იზარდი წონონაძე

იუბილეს ბილოცავთ!

„კოლხეთი“ ყველა ჭეშმარიტი სენაკელის საყვარელი გაზეთია. მისი ყოველი ახალი ნომერის გამოსვლას მოუთმენლად ელოდება მისი ერთგული მკითხველი. სიახლეებს რომლებიც ჩვენს ქალაქში ხდება სწორედ ამ გაზეთიდან ვიგებთ. გვიყვარს გაზეთი „კოლხეთი“ და გვეამაყება, რომ მან წლებს ღირსეულად გაუძლო და დღესაც საინტერესოდ აგრძელებს შემოქმედებით საქმიანობას. გილოცავთ კოლხეთელებო 100 წლის იუბილეს, ბედნიერ, წარმატებულ წელთა სიმრავლეს, ბევრ მკითხველს და საინტერესო შემოქმედებით საქმიანობას გისურვებთ

სენაკის აპაჩი ხორავას სახელობის სახელმწიფო დრამატული თეატრი

კიდევ მრავალი წელი შეგმატებოდეთ

ჟურნალისტიკა უზარმაზარი ფუნქციური ინსტიტუტია, რომელსაც ვეალებოდა საზოგადოებრივი აზრის წარმართვა.

გაზეთი „კოლხეთი“ 100 წელია თავის ფურცლებზე წარმატებით ახერხებს ჩვენი ქალაქის წარსულის თუ უახლესი ისტორიის ყოველ ფაქტს, მოვლენის აღწერას.

გილოცავთ 100 წლის იუბილეს. გაზეთმა დღემდე რომ შეინარჩუნა სახე ნამდვილად მისი მუშაკების დამსახურებაა. თქვენ ნამდვილად აკეთებთ ეროვნულ საქმეს-მშობლიურ კუთხეს მათიანეს უქმნით.

ძვირფასო „კოლხეთელებო“ კიდევ მრავალი წელი გაგეძლოთ და ყოფილიყავით ჩვენი უღამაზესი რეგიონის მემკვიდრე

მერაბ ჩიქოვაძე, სენაკის დამოუკიდებელი ტელეკომპანია „ეგრისის“ დირექტორი

ჩემი ერთგული მეგობარი

ამგვარი სათაური შემთხვევით არ შემირჩევია. სხვა სულიერი მეგობარი, მის დარი მოერთგულე არ შემომრჩა. ორმოცდაათ წელზე მეტი ერთად მოვდივართ. სრულიად ახალგაზრდას მან მომცა საშუალება საზოგადოების წინაშე წარმდგარიყავი, საკუთარი ფიქრი და განცდა გამომეხატა და გამეცნო. ეტყობა სიახლოვემ და ჩემმა აქტიურობამ განაპირობა, რომ გაზეთის სამოცი წლის იუბილეზე, რომელიც გრანდიოზულად აკ. ხორავას სახელობის სახალხო თეატრში გაიმართა, მომეცა საშუალება ცნობილ ჟურნალისტებთან ერთად მივსალმებოდი და გამომეხატა საკუთარი დამოკიდებულება და მაღლიერება საყვარელი გაზეთის მიმართ. მახსენდება ღვაწლმოსილი ჟურნალისტები,

რომლებმაც დიდი ამაგი გაიღეს გაზეთის ხანგრძლივ წარმატებებში.

წლების ქრონოლის მიუხედავად მეგობრობა გაზეთთან არ შენეებულა. ვცდილობ სხვადასხვა აქტიურობის თემებზე წერილები, რესპუბლიკური გაზეთებთან ერთად ვანდო «კოლხეთს». ის კი დიდი ხნის ნაცნობივით მიბრუნებს სიტბოს, რითაც უზომოდ მაღლიერი ვარ.

ვულოცავ „კოლხეთსა“ და კოლხეთელების ახალ თაობას 100 წლის იუბილეს. ვუსურვებ უღვიწხე წლები ყოფილიყოს მონივრული რიგებში.

პორის ღვინისა, მწერალი, სენაკის საპატიო მოქალაქე, აკ. წერეთლისა და ალ. ყაზბეგის პრემიების ლაურეატი. „ღირსების ორდენოსანი“



ბ. მილუტინი, ბ. შენგელია, გ. ხობაქიძე, ე. გადელია, ი. გვასალია, ს. უჭავაძე (70-იანი წლები)

მართალი სიტყვის სადარაჯოზე

მინდა თითოეულ სენაკელს, განსაკუთრებით კი გაზეთ «კოლხეთის» შემოქმედებით ჯგუფს მივულოცო გაზეთის 100 წლის იუბილე. საქართველოში ალბათ ცოტა მოიძებნება ბეჭდვითი ორგანო, რომელმაც გაუძლო ათასგვარ დაბრკოლებასა თუ წინააღმდეგობას და კვლავ დგას მართალი სიტყვის სადარაჯოზე სენაკელთა მხარდამხარ. ჩემთვის, როგორც გაზეთის პირველი რედაქტორის, ანტონ მზარელუას, შვილიშვილისთვის განსაკუთრებით ძვირფასია «კოლხეთი» და ვისურვებდი რომ კიდევ დიდხანს გაეხარებინოს მისი ერთგული მკითხველი.

პატივისცემით
გიორგი მზარელუა

გაზეთი კულტურა იყო

დღეს, იქნებ, ვინმეს გაუკვირდეს, თუკი ვიტყვი, რომ გაზეთი კულტურა იყო. თან ისეთი კულტურა, წამალივით ყოველდღე რომ უნდა მიგელო ადამიანს. ვამაყობ, რომ ეს «კულტურა» ჩემს სახლში გამჯდარი იყო და მეც, მას ბავშვობიდან ვეზიარე. თბილისში, ბაბუას უნიკალურ ბიბლიოთეკას ყოველდღიური პრესა ამშვენებდა. გენეტიკური თუ იყო, იგივე ხდებოდა სენაკში, ჩვენს ოჯახშიც. თამამად ვამბობ, რომ გაზეთი და კერძოდ «კოლხეთი» იყო ჩემი უსაყვარლესი, რადგან იქ მახსენებდნენ რაიმე აქტივობისათვის, იქ ვანთავსებდი, მოგვიანებით, ჩემს სტატიებს და ზოგჯერ ლექსებსაც.

მამა, გალაქტიონ რობაქიძე, გაზეთ «კოლხეთის» რედაქციის თანამშრომელი, სხვადასხვა პასუხსაგებ პოზიციაზე მყოფი, უჩვეულოდ კრიტიკული იყო ჩემს მიმართ, სურდა სწორი ხედვა მქონოდა, სწორი პოზიცია და ჩემი ურთიერთობა გაზეთთან მხოლოდ სიყვარულის მომტანი უნდა ყოფილიყო. მე სტამბაც ზედმიწევნით ვისწავლე თავისი სირთულით, შრიფტებით, აწყობა-დაკაბადონებით. მეგონა, მამასავით უფროსი ვიყავი ვინმე, სხვებიც ასე თვლიდნენ, მაგრამ ბედისწერამ სხვა გზაზე გამიყვანა, თუმცა, პრესა ჩემთვის მშობლიურად დარჩა... ისევე გენის წყალობით და გაგრძელებით, ალბათ. აქვე მინდა გავიხსენო გაზეთ «კოლხეთის» ერთგული მკითხველის, თამაზ კანკიას სხარტულა მამასადმი ერთერთ იუბილევზე: «შენი განძი და სიმდიდრე, წიგნია და

გაზეთი, გალაქტიონ რობაქიძე, ვინ დაგწყევლა ასეთი?»

მახსოვს, მამას ლამენათევი და დაღლილი თვალები, როცა ათენებდა სხვებთან ერთად ახალი სიტყვის, ამბების გასაუფრებლად, გაზეთის ახალი ნომრის «დასაბადებლად», რომ დილით საზოგადოება იდევრად გაძლიერებულიყო. მაშინ ასე იყო, პრესა ადამიანებს არ ზაფრავდა, აწვდიდა იმას, რაც აუცილებელი იყო სულიერებისათვის, ახალ ადამიანთა გასაცნობად, რომლებმაც თავი გამოიჩინეს სამშობლოს ან/და რაიონის კეთილდღეობისათვის. კრიტიკაც იყო, ზომიერი და არა ისეთი, მავანს რომ «თავს მოაკვლევინებდა».

თითქოს პანანუნა, სულ ოთხგვერდიანი პერიოდული გამოცემა, სენაკის რაიონული გაზეთი «კოლხეთი», თავის სათქმელს ამბობდა ამყად, თამამად, ყოველგვარი სიყალბის და შიშის გარეშე. მას ქმნიდნენ ის ადამიანები, ვისთვისაც ჩემს მიერ ზემოთნახსენები «კულტურა» შესისხლბორცებული იყო და მასში მამას დიდი წვლილიც ერია.

მინდა, ქედი მოვიხარო იმ ადამიანების ხსოვნის წინაშე, რომლებიც ალამაზებდნენ ქალაქს, ასაზროლებდნენ მოსახლეობის სულს და აფრთიანებდნენ ახალ თაობებს, რომელთაც 1923 წლიდან მხრებით მოქონდათ გაზეთი «კოლხეთი», მადლობა რედაქციის ყველა იმ თანამშრომლებს, რომლებიც დღესაც აგრძელებენ «კოლხეთის» სიცოცხლეს.

მანია როზაძე-ძიძავა



შეხვედრა ვეახანებთან (70-იანი წლები)

განსაკუთრებული როლი

სენაკის საზოგადოებას, გაზეთ «კოლხეთის», შემოქმედებით ჯგუფს ვულოცავთ გაზეთის ასი წლის საიუბილეო თარიღს.

ჩვენი ოჯახისათვის დღევანდელი დღესასწაული განსაკუთრებულად მნიშვნელოვანია, რადგან წლების მანძილზე გაზეთის წინსვლისა და წარმატების მიღწევაში მამას, ბორის შენგელიას, სხვა ღირსეულ კოლეგებთან ერთად გამორჩეული წვლილი მიუძღვის, განვლილი 100 წლის მანძილზე მრავალი თაობა აღიზარდა, რაშიც გაზეთი განსაკუთრებულ როლს თამაშობდა, იმედა, ეს ტრადიცია კვლავაც გაგრძელდება და მომავალში იგი მრავალ ღირსეულ ადამიანს გაუზრდის რაიონს და ქვეყანას.

პატივისცემით
შენგელიების ოჯახი

„ჩანგი გიკურთხოს ზენამა“

გაზეთი «კოლხეთი» თითოეული სენაკელისათვის ხელიხელ საგომანები სულიერი საზრდოა. იგი 100 წელია (ერთი საუკუნე) ჩვენი და ჩვენი წინა თაობების ოჯახების მუდამ სასურველი სტუმარია. მას სენაკის ყოველდღიურობის წარმოჩენასთან ერთად ჩვენთან მოაქვს სასიკეთო მომავლის რწმენა და იმედი.

იგი უახლესი და სასურველია ჩემი ოჯახისათვის, რომლის ხელმძღვანელმა მამაჩემმა, სოლომონ კუჭავამ მთელი მისი ცხოვრება დაუთმო სენაკელთა სხვადასხვა დროის გაზეთებისა: „მთლიანი კოლექტივიზაციის“, „ავანგარდის“, „კოლხეთის ცისკრის“, „კოლხეთის“ არსებობას და საქმიანობას.

სახელი და დიდება წინაპრებს, რომლებმაც ზურგით ატარეს გაზეთის დაბა-

დება – „დავაჟაკების“, არსებობის მთელი ტვირთი.

ულევ ძალას, ენერგიას გისურვებთ თქვენ, დღევანდელი გაზეთის თანამშრომლებო, ჩემო უახლოესო და საპატივცემლო ადამიანებო, მიუხედავად სიძნელებისა ასეთი მონდომებით, რუდუნებით, რომ აგრძელებთ ჩვენი „კოლხეთის“ სახელოვან ტრადიციას.

თქვენი გარჯის საფასურად მინდა დიდი ვაჟას ლექსი მოვიშველიო.

„მადლობელი ვარ გულითა შოთაის სულის ლხენამა! სამშობლოს სამსახურისთვის ჩანგი გიკურთხოს ზენამა!“

დამირ კუჭავა,
სენაკის საპატიო მოქალაქე



ი. ციხაძე, მ. აბშიძე, ი. ნიხუჯა, ბ. შენგელია, ა. ეჯიბია, გ. გიგინეიძე

რაც ცხოვლად მახსოვს

მთელი ცხოვრება სათუთად ვინახავ, ხშირად ვიხსენებ, ახლა კი მინდა თქვენც გაგიზიაროთ, ის რაც „ცხოვლად დააჩნდა ჩემს სულს“, ის რაც სამსახურეობრივი გზის დასაწყისს, მთლიანად გაზეთ „კოლხეთის“ რედაქციას და მის ადგილობრივ რადიო გადაცემათა განსყოფილებას უკავშირდება. რედაქციაში გამორჩეული ბუნებისა და ცოდნის ადამიანები მუშაობდნენ, რომელთა სითბო დღემდე მომყვება, ამიტომაც მიმიხაროდა იქ, მიყვარდა და დღესაც მიყვარს მშობლიური რედაქცია, სადაც 32 წელი დავყავი.

რადიოგადაცემა წარმოებდა კავშირგაბმულობის შენობიდან, სადაც სპეციალური აპარატურა იყო დამონტაჟებული. კვირაში სამჯერ გადაცემა ეთერში გადიოდა და მოსახლეობას ამცნობდა რაიონის ახალ ამბებსა და იმდროინდელი, მნიშვნელოვან მიღწევებს, მოსწავლე ახალგაზრდობის სახლის მოსწავლეები კი ლექსებითა და სიმღერებით ულოცავდნენ მათ დღესასწაულებს, გადაცემის მოსმენა შეეძლოთ ყველა წარმოება დაწესებულებაში, ქალაქის ბაღში. კმაყოფილი მსმენელები თბილ სიტყვებს არ იშურებდნენ ჩემს მიმართ, რაც სასიამოვნოდ მახსოვს.


ადგილობრივი რადიოგადაცემის რედაქტორი იყო ქალბატონი ელენე ადამია, ღირსეული, ინტელექტით გამორჩეული, ოჯახზე გადაგებული ადამიანი. მისი ცხოვრების აზრი იყენებ შვილები: თამთა და ლევანი, ძმისშვილი ცარუ ადამია. ამ უკანასკნელს ასე მიმართავდა ხოლმე: „ქუგალუ სკან მამიდაქ“

პირადად ჩემთვის ის ძვირფასი, საყვარელი და დედასავით ახლობელი იყო. ამიტომ ძალიან მიყვარდა და მასაც ვუყვარდი. გარდაცვალებამდე ორი დღით ადრე ვინახულე, ორივე ავტირდით, მითხრა: „ყველაფერი ისე მიდის, როგორც ღმერთს უნდაო“. სანთელ-საკმეველი არ მოაკლოს უფალმა მის კეთილშობილ სულს.

ჩემს სენაკელებს ვულოცავ გაზეთის 100 წლის იუბილეს, ვუსურვებ რადიოს აღდგენას, რათა მოსახლეობას კვლავ ჰქონდეს საშუალება უსმინოს ადგილობრივ გადაცემებს, რომელიც ასე იწყებოდა: „ლაპარაკობს სენაკი!“

ნაირა ჯღარაკაძე,
ადგილობრივ რადიოგადაცემათა ყოფილი დირექტორი

ჩვენი გაზეთის უოფილი რედაქტორები



მამანტი ქახახვა



ლევდია მონხელია



მოხლი აბზილდავა



ბიხის შენგელია

დროსთან ჭიდილში

შთაბრუნება

ყველაფერს აქვს თავისი დასაწყისი და დასასრული, „საწყისი“ მომდინარეობს პირობითად რაღაცის ჩასახვით, დაბადებით, რომელიც შემდეგ მატინის ნაწილი ხდება. ვინაიდან ჩემი საგაზეთო სტატია ეხება ისეთ მნიშვნელოვან საკითხს, როგორცაა პრესა და მისი კონკურენტული სახე - გაზეთი, მინდა შევეხო იმ სათავეს, რომელმაც ის შვა...

ისტორიულად ადამიანთა შორის ურთიერთობას აქვს თავისი პრიმიტიული საწყისები, რომელიც ვლინდება მათ შორის სხვადასხვა პრობლემებთან დაკავშირებით მნიშვნელოვანის, ან თუნდაც უმნიშვნელოს განმარტებაში, გადმოცემაში, რომლის კრებებითი სახელწოდებაა ი ნ ფ რ მ ა ც ი ა, სწორედ ინფორმაციაა ის მამოძრავებელი არტერია, რომელიც ზოგადად აკავშირებს ადამიანებს და უძველესი პერიოდებიდან დღემდე უდიდეს როლს ასრულებს საზოგადოებების ორგანიზაციული ფორმების ჩამოყალიბებაში.

ინფორმაციის ადრესატამდე დაყვანა ხდება სხვადასხვა საშუალებებით - ზეპირსიტყვიერად, წერილობით (გაზეთი, ჟურნალი), თანამედროვე ცივილიზაციამ, ასევე წარმოშვა მისი გავრცელების ისეთი მაღალტექნოლოგიური საშუალებები, როგორცაა რადიო, ტელევიზია, ინტერნეტი და ა.შ.

შედარებით მცირე მასშტაბებით ინფორმაციის მატარებელ ველს, მეცხრამეტე საუკუნიდან მოყოლებული დღემდე წარმოადგენს „გაზეთი“, რომელიც ავრცელებს ცნობებს პოლიტიკის, მეცნიერების, ხელოვნების სპორტის და სხვათა შესახებ... ბეჭდვითი ორგანოს ერთ-ერთი სახის გაზეთის გამოცემა მოითხოვს მაღალკვალიფიციურ, შრომისმოყვარე, პასუხისმგებლობით გამსჭვალულ პერსონალს, იმისთვის, რომ მოხდეს საჭირო ინფორმაციის მოგროვება, გადამონმება და ობიექტური სახით გადმოცემა...

სწორედ ზემოაღნიშნული კვალიფიციის მქონე პერსონალთა პროფესიონალიზმის, შრომისმოყვარეობის, პასუხისმგებლობის მეშვეობით 1923 წლის პირველ მაისს, სენაკის რაიონში მოხდა ისეთი გრანდიოზული მოვლენა, როგორც იყო მისი ბეჭდვითი ორგანოს - „გაზეთის“ დაბადება, რამაც შედეგად შვა ინფორმაციის საზოგადოებამდე დაყვანის ახალი ეპოქა.

სენაკის „გაზეთი“ იზრდებოდა, ვითარდებოდა, დროსთან ჭიდილში განიცდიდა ცვლილებებს, მას ჰქონდა თავისი აღმავალი და დაღმავალი პერიოდები. როგორც ზოგადად „გაზეთს“, ტექნოლოგიურმა პროცესებმა გაუჩინა კონკურენტები - რადიოს, ტელევიზიის, ინტერნეტის სახით, მაგრამ საბოლოოდ მან გაუძლო დროს და 21-ე საუკუნის პირველ მეოთხედს, ასე წლის გამოცდილებით, მიესალმა ღირსეული პათოსით - წინ მომავლისკენ!

ჩემთვის სპეციფიკურია გაზეთზე საუბარი, ის განსაკუთრებით ეფერება ჩემს ქვეცნობიერს, ცნობიერს მიღმა დალექილი ინფორმაცია დაკავშირებულია გენეოლოგიურ ხაზთან, რაც, როგორც მავანნი გაიძახიან, წინაპართა მიერ დატოვებულ ჟურნალისტურ კვალს ტოვებს ჩემს მეში. მოგახსენებთ, რომ სენაკის საგაზეთო ცხოვრებას წლების განმავლობაში სათავეში ედგა ბაბუაჩემი ვლადიმერ (ილო) ნირღვავა, რომელმაც მცირედი შემოქმედებითი აგური დადო რაიონის და ზოგადად ქართული ჟურნალისტიკის მშენებლობის გზაზე...

მისი ჟურნალისტიკური ცხოვრების დროის ძირითადი მონაკვეთი უკავშირდება სენაკის ბეჭდვითი ორგანოს - გაზეთს, მან საკმაოდ ნაყოფიერი ოთხი ათეული წელი იმოღვაწევა რაიონული გაზეთის რედაქციაში, გამოიარა მისი საქმიანობის

ყველა რგოლი, დაწყებული კორექტორიდან, იყო ლიტერატურული მუშაკი, განყოფილების გამგე, პასუხისმგებელი მდივანი. წლების განმავლობაში რედაქტორობდა გაზეთ „ავანგარდს“. აქტიურად თანამშრომლობდა რესპუბლიკურ ჟურნალ-გაზეთებთან...

რაც შეეხება ბაბუაჩემის საზოგადოებრივ მოღვაწეობას, ის აქტიურად ზრუნავდა ახალგაზრდებზე, მათ შორის სტუდენტებზე, მან ცხაკაის რაიონულ ბიბლიოთეკასთან შექმნა მდიდარი წიგნადი ფონდი უმაღლესი სასწავლებლების და უსწრებელი განყოფილების სტუდენტებისთვის, აგროვებდა მდიდარ ფოლკლორულ მასალას, აქტიურად ეხმარებოდა არქეოლოგიურ ექსპედიციებს, იღვწოდა ძველი ქართული კულტურის ძეგლების, მატერიალურ განძეულობათა ცალკეული ნიმუშების გამოვლენისა და დაცვისათვის...

ბაბუაჩემის ვლადიმერ (ილო) ნირღვავა შემოქმედებით მოღვაწეობას აქტიურად ეხმარებოდნენ მისი მეგობარი საზოგადო მოღვაწეები - მწერლები, პოეტები, ისტორიკოსები,

ბაბუაჩემის პროფესიული თუ საზოგადოებრივი მოღვაწეობა არ დარჩენილა სახელმწიფოს თვალს მიღმა, მათ სიმბოლურად დაუფასეს მისი ღვაწლი, ის დაჯილდოვებული იყო მრავალი მედლითა და სიგელით, მინიჭებული ჰქონდა კულტურის დამსახურებული მუშაკის ნოდება, იყო სსრკ-ის ჟურნალისტიკა კავშირის წევრი მისი დაარსების წლიდან...

მინდა მივულოცო - „გაზეთ კოლხეთის“ რედაქციას და მთელს მუნიციპალიტეტს - სენაკის ბეჭდვითი ორგანოს - „გაზეთის“ დაბადების 100 წლის იუბილე, ვუსურვო წარმატებები პროფესიულ ასპარეზზე!!

გიორგი ბარუჩავა

ლამაზი მოგონებები

გაზეთ „კოლხეთთან“ ჩემს ოჯახს მრავალწლოვანი ურთიერთობა აკავშირებს, ჩემი მამა ბორის მილიუტინი წლების მანძილზე იყო გაზეთ „კოლხეთის“ სარედაქციო კოლეგიის წევრი, სხვადასხვა განყოფილების გამგე, შემდეგ ვიდრე გაზეთ „კომუნისტის“ საკუთარ კორესპონდენტად დანიშნავდნენ სამეგრელოს ზონის 4 რაიონში, იყო გაზეთ „კოლხეთის“ რედაქტორის მოადგილე. მახსოვს როგორი პასუხისმგებლობით ამზადებდა საგაზეთო წერილებს, სადაც აშუქებდა სენაკის რაიონის ცხოვრების მრავალ მხარეს, მათ შორის ხელოვნებასა და სპორტს, როგორი კარგი კოლეგიალური

ურთიერთობა ჰქონდა თავის თანამშრომლებთან.

დიდი და ლამაზი მოგონებები აკავშირებდა ჩვენს ოჯახს „კოლხეთის“ არაჩვეულებრივ ჟურნალისტებთან და თანამშრომლებთან - ილო ნირღვავასთან, გალაქტიონ რობაქიძესთან, ბორის შენგელიასთან, რევაზ ჯანჯღავასთან, ლამარა გადელიასთან, ანდრო ეჯიბიასთან, იონა გვასალიასთან, გოგოლა მზარელუასთან, ლუდმილა მონერელიასთან, ტატიანა კალანდარიშვილთან...

და უკვე ჩემი მეგობრული და ასევე ლამაზი ურთიერთობა გაზეთ „კოლხეთის“ დღევანდელ რედაქციასთან, ქალ-

ბატონებთან: ნინო სართანიასთან, მედეა ბალათურასთან, მარი მიქაბერიძესთან, მაია გერგაიასთან, ჯულიეტა ჩაჩიბაიასთან...

გაზეთ „კოლხეთის“ შემოქმედებით კოლექტივს, წრფელი გულითა და სიყვარულით გლოცავთ საუკუნოვან იუბილეს, გისურვებთ აღმასვლას, გაზეთისათვის ჩვეული აქტივობით, ინტერესით და საუკეთესო პუბლიკაციებით მომავალშიც გააშუქოთ სენაკელების მუხლჩაუხრელი შრომა ქალაქისა და მუნიციპალიტეტის კეთილდღეობისა და წინსვლისათვის.

რუსუდან მილიუტინი



ჰეზო ჩანჩალავა



თამაზ ჯანია

ფოტოგალერეა



ნინო სათაძია, შპს „საინფორმაციო ცენტრის“ დირექტორი, მთავარი ხელმძღვანელი



მედეა ბალაძე, შპს „საინფორმაციო ცენტრის“ დირექტორის მოადგილე, ხელმძღვანელი



მაია გუგუია, უფროსი მენეჯერი



ხ. ჯანჯღავას ფოტოაქტივიდან



მაია მიქაბერიძე, უფროსი მენეჯერი



სხედან (მარცხნიდან): იოსებ გვაძაბია, ნატო ვაჩნაძე, კალისტრატე შარტავა დგანან: აკაკი ჩაჩიბაია, ნოე შონია



შალვა დადიანი სენაკში



ველიცა ჩაჩიბაია, ბულაძე

<p>რედაქციის მისამართი: სენაი, ჭავჭავაძის ქ. №103, ტელ: 276150 რედაქცია ხელმძღვანელობს თავისუფალი პრესის პრინციპით, არ გამოხატავს პოლიტიკური და სოციალური პოზიციის ინტერესებს. ინტელექტი 66529</p>	<p>რეგისტრირებულია სენაის სასამართლოში რეგისტრაციის №56/7-17 გაზეთი უმცირესობაშია აიწყო, დააბადონდა და მოხსენიდა წესით დაიბეჭდა შპს „სოლი 16“ ქ. ქუთაისი, ილია ჭავჭავაძის გამზ. 33 ტელ: 223779, 223711, 223499</p>
--	--